

漢

書



三

083.2

0022

3-6



由國家圖書館數位化、典藏

A-550





1-2257

各一人五月匈奴單于遣弟呼留若王師古曰呼留若者王之號也勝之其人名冬十月鳳皇十一集杜陵十一月

河南太守嚴延年有罪弃市十二月鳳皇集上林

五鳳元年

應劭曰先者鳳皇五至因以改元云

春正月行幸甘泉郊泰畤

皇太子冠皇太后賜丞相將軍列侯中二千石臬人一百匹大夫八十匹夫人六十匹又賜列侯嗣子爵五大夫男子為父後者爵一級夏赦徒作杜陵者冬十二月乙酉朔日有蝕之左馮翊韓延壽有罪弃市二年春三月行幸雍祠五畤夏四月己丑大司馬車騎將軍增薨師古曰韓增秋八月詔曰夫

田宅什器假與犁牛種食

師古曰種音之勇反

又起五里於

長安城中

如淳曰民居之里

宅二百區以居貧民秋舉勇武

有節明兵法郡一人詣公車九月戊申晦日有蝕

之赦天下徒使謁者大司馬掾四十四人持節行

邊兵

師古曰行音下更反

遣執金吾候陳茂假以鉦鼓

晉灼曰百官表執金

吾屬蜀官有兩丞候司馬應劭曰將帥乃有鉦鼓今茂官輕兵少又但往諭曉之耳所以假鉦鼓者欲重其威也鉦者鏡也似鈴柄中上下通師

古曰鉦音征鏡音女交反

募汝南南陽勇敢吏士三百人諭說江

湖賊成重等二百餘人皆自出送家在所收事

如淳

曰賊雖自出得還其家而已不得復除尚當役作之也師古曰如說非也言身既自出又各送其家人詣本屬縣邑從賦役耳

重徙

雲陽

服虔曰重成重也作賊長帥故徙之也

賜公田宅冬中二千石舉治獄

又音孕

贊曰孝平之世政自莽出褒善顯功以

自尊盛觀其文辭方外百蠻亡思不服

師古曰大雅文王有聲之

詩曰自西自東自南自北無思不服言武王於鎬京行辟雍之禮自四方來觀者皆感其德化心無不歸服故此贊引之

休徵嘉

應頌聲並作

師古曰休美也徵證也

至乎變異見於上民怨於下

莽亦不能文也

如淳曰不可復文飾也

平紀第十二

世薨死比年豐穀石五錢

師古曰比頻也

神雀元年

應劭曰前年神爵集

于長樂宮故改年

春正月行幸甘泉郊泰畤三月行幸河東

祠后土詔曰朕承宗廟戰戰栗栗惟萬事統未燭

厥理師古曰惟思也統緒也燭照也

迺元康四年嘉穀玄稷降于郡國

服虔曰玄稷黑粟也

神爵仍集

師古曰仍頻也

金芝九莖產于函德殿銅

池中

服虔曰金芝色像金也如淳曰函亦含也銅池承露也晉灼曰以銅作池也師古曰函德殿名也銅池承露是也以銅為之函

讀與舍同

九真獻奇獸

蘇林曰白象也晉灼曰漢注駒形鱗色牛角仁而愛人師古曰非白象也晉說是矣

南郡獲白虎威鳳為寶

服虔曰威鳳鳥名也晉灼曰鳳之有威儀者也與尚書鳳皇來儀同意師

古曰晉說是

朕之不明震于珍物

服虔曰震驚也蘇林曰震動也珍物瑞應也師古曰蘇說是也

獲珍物而心感動也

飭躬齋精祈為百姓

師古曰飭與勅同為音于偽反

東濟大河



宣紀第八

班固

漢書八



秘書少監上護軍琅邪縣開國子顏師古注

孝宣皇帝

荀悅曰諱詢字次卿詢之字曰謀應劭曰諡法聖善周聞曰宣

武帝曾孫戾太

子孫也

韋昭曰以違戾擅發兵故諡曰戾臣贊曰太子誅江充以除讒賊而事不見明後武帝覺寤遂族充家宣帝不得以

加惡諡也董仲舒書曰有其功無其意謂之戾有其功有其意謂之罪師古曰墳說是也

太子納史良娣

服

曰史姓也良娣官也師古曰太子有妃有良娣有孺子凡三等娣音次弟之弟

生史皇孫

師古曰以外家姓稱之故曰史

皇孫納王夫人生宣帝號曰皇曾孫生數月遭

巫蠱事太子良娣皇孫王夫人皆遇害語在太子

傳曾孫雖在襁褓

李奇曰襁絡也以縵布為之絡負小兒緥小兒大藉也孟康曰緥小兒被也師古曰

襁即今之小兒緥也緥孟說是也襁音居丈反緥音保緥音補耕反

猶坐收繫郡邸獄

如淳曰謂諸郡邸置

獄也師古曰據漢舊儀郡邸獄治天下郡國上計者屬大鴻臚此蓋巫蠱獄繫收繫者衆故曾孫寄在郡邸獄而邴吉爲

廷尉監

師古曰監者廷尉之官屬

治巫蠱於郡邸憐曾孫之亡吉幸

使女徒復作淮陽趙徵卿渭城胡組更乳養

李奇曰復作者

女徒也謂輕罪男子守邊一歲女子輒弱不任守復令作於官亦一歲故謂之復作徒也孟康曰復音服謂弛刑徒也有赦令詔書去其鉗銖赭衣更犯事不從徒加與民爲例故當復爲官作滿其本罪年月日律名爲復作也師古曰孟說是也趙徵卿淮陽人胡組渭城人皆女徒也二人更遞乳養曾孫而邴吉傳云郭徵卿紀傳不同未知孰是更音工衡反

私給衣食視遇甚有

恩巫蠱事連歲不決至後元二年武帝疾往來長

楊五柞宮

師古曰長楊五柞二宮並在盤屋皆以樹名之帝往來二宮之間也柞字或作柞其音同

望氣者

言長安獄中有天子氣上遣使者分條中都官

獄

師古曰中都官凡京師諸官府也

繫者輕重皆殺之內謁者令郭

系
22.101
265
19
13

穰夜至郡邸獄

師古曰百官表云內者署屬少府續漢書志云掌宮中布張諸器物丁孚漢官云今秩千石蓋當時

權為

吉拒閉使者不得入曾孫賴吉得全因遭大

赦吉迺載曾孫送祖母史良娣家語在吉及外戚

傳後有詔掖庭養視上屬籍宗正

應劭曰掖庭宮人之官有令丞官者為之

詔勅掖庭養視之始今宗正著其屬籍

時掖庭令張賀嘗事戾太子思顧

舊恩

師古曰顧念也

哀曾孫奉養甚謹以私錢供給教書

既壯為取暴室嗇夫許廣漢女

應劭曰暴室宮人獄也今曰薄室許廣漢坐法腐為官者

作嗇夫也師古曰暴室者掖庭主織作條練之署故謂之暴室取暴曬為名耳或云薄室者薄亦暴也今俗語亦云薄曬蓋暴室職務既多因

為置獄主治其罪人故往往云暴室獄耳然本非獄名應說失之矣曾

孫因依倚廣漢兄弟及祖母家史氏

師古曰倚音於綺反

受詩

國家圖書館



003687963

於東海復中翁

服虔曰復音馥師古曰東海人姓復字中翁也復音房福反中讀曰仲

高材好

學然亦喜游俠

師古曰喜音許吏反

鬪雞走馬具知閭里姦邪

吏治得失數上下諸陵

師古曰諸陵皆據高敞地為之縣即在其側帝每周游往來諸陵縣去則

上來則下故言上下諸陵

周徧三輔

師古曰游行皆至其處

常困於蓮勺鹵中

如導曰為人所

困辱也蓮勺縣有鹽池縱廣十餘里其鄉人名為鹵中蓮音輦勺音灼師古曰如說是也鹵者鹹地也今在櫟陽縣東其鄉人謂此中為鹵鹽

池尤樂杜鄠之間

師古曰二縣之間也杜屬京兆鄠屬扶風鄠音扈

率常在下杜

孟康曰在長安南師古曰率者總計之言也下杜即今之杜城

時會朝請舍長安尚冠里

文

曰以屬弟尚親故歲時隨宗室朝會也如導曰春日朝秋曰請師古曰舍止也尚冠者長安中里名帝會朝請之時即於此里中止息請音才

反身足下有毛卧居數有光耀

師古曰遍身及足下皆有毛

每買餅

所從買家輒大饑

師古曰饑讀曰舊

亦以是自怪元平元年

四月昭帝崩母嗣大將軍霍光請皇后徵昌邑王

六月丙寅王受皇帝璽綬尊皇后曰皇太后癸巳

光奏王賀淫亂請廢語在賀及光傳秋七月光奏

議曰禮人道親親故尊祖尊祖故敬宗太宗母嗣

擇支子孫賢者為嗣孝武皇帝曾孫病已

師古曰蓋以夙遭屯

難而多病苦故名病已欲其速老也後以為鄙更改諱詢有詔掖庭養視至今年十八

師受詩論語孝經操行節儉慈仁愛人可以嗣孝

昭皇帝後奉承祖宗子萬姓師古曰天子以萬姓為子故云子萬姓奏可

遣宗正德至曾孫尚冠里舍洗沐賜御府衣太僕

以軫獵車奉迎曾孫文穎曰軫獵小車前有曲輿不衣也近世謂之軫獵車也孟康曰今之載獵車

也前有曲輪特高大獵時立其中格射禽獸李奇曰蘭輿輕車也師古曰文李二說皆是時未備天子車駕故且取其輕便耳非籍高大也孟

說失之就齊宗正府庚申入未央宮見皇太后封為

陽武侯師古曰先封侯者不欲立庶人為天子也已而羣臣奏上璽綬即皇

帝位謁高廟八月己巳丞相敞薨師古曰楊敞也九月大

赦天下十一月壬子立皇后許氏賜諸侯王以

下金錢至吏民鰥寡孤獨各有差皇太后歸長

樂宮長樂宮初置屯衛 本始元年春正月募

郡國吏民訾百萬以上徙平陵文穎曰昭帝陵遣使者持

節詔郡國二千石謹牧養民而風德化師古曰以德化被於下故

云風也詩序曰大將軍光稽首歸政上謙讓委任焉論

上以風化下

定策功益封大將軍光萬七千戶車騎將軍光祿

勳富平侯安世萬戶

李斐曰居光祿位以車騎官號尊之無車騎官屬

詔曰故

丞相安平侯敞等居位守職與大將軍光車騎將

軍安世建議定策以安宗廟功賞未加而薨其益

封敞嗣子忠及丞相陽平侯義

師古曰蔡義

度遼將軍平

陵侯明友

師古曰范明友

前將軍龍雒侯增

師古曰韓增

太僕建平

侯延年

師古曰杜延年

太常蒲侯昌

師古曰蘇昌

諫大夫宜春侯

譚

師古曰王譚

當塗侯平

師古曰功臣表云魏不害以捕反者胡倩功封當塗侯其子聖以定策功益封凡二千

二百戶今此紀言當塗侯平與表乖錯未知孰是或者有二名乎

杜侯屠耆堂

蘇林曰姓復陸其祖父復陸支本

匈奴胡也歸義為屬國王從驃騎有功乃更封也

長信少府關內侯勝

師古曰夏侯勝

邑

戶各有差封御史大夫廣明為昌水侯

師古曰田廣明後將

軍充國為營平侯

師古曰趙充國

大司農延年為陽城侯

師古

曰田延年

少府樂成為爰氏侯

師古曰史樂成

光祿大夫遷為平丘

侯

師古曰王遷

賜右扶風德

師古曰周德

典屬國武

師古曰蘇武

廷尉

光

師古曰李光

宗正德

師古曰楚元王之曾孫劉辟強子

大鴻臚賢

師古曰韋賢

詹事

畸

蘇林曰畸音畸隻之畸師古曰宋畸也音居且反

光祿大夫吉

師古曰郡吉

京輔都尉

廣漢

師古曰趙廣漢也三輔郡皆有都尉如諸郡左輔都尉尉治高陵右輔都尉治郿京輔都尉治華陰灌也

爵皆

關內侯德武食邑

張晏曰舊關內侯無邑也以蘇武守節外國劉德宗室後彥故特令食邑

夏

四月庚午地震詔內郡國舉文學高第各一人

韋昭

曰中國為內郡緣邊有夷狄障塞者為外郡武帝時內郡舉方正北邊二十三郡舉勇猛士

五月鳳皇集膠

東千乘赦天下賜吏二千石諸侯相下至中都官

官吏六百石爵各有差

如淳曰中都官官吏奄人為吏者也
晉灼曰凡職在京師者也師古曰二

說皆非也中都官謂在京師諸官也官吏諸奄官也

自左更至五大夫

師古曰左更第十二爵也五大夫第九爵

也更音

工衡反賜天下人爵各一級孝者二級女子百戶牛

酒租稅勿收六月詔曰故皇太子在湖未有號諡

師古曰湖縣名也死於湖因即葬焉

歲時祠其議謚置園邑語在太子傳

秋七月詔立燕刺王太子建為廣陽王

師古曰刺音來蜀反

立

廣陵王胥少子弘為高密王二年春以水衡錢

為平陵徙民起第宅

應劭曰水衡與少府皆天子私藏耳縣官公作當仰給司農今出水衡錢言宜

帝即位為異政也晉灼曰食貨志初大司農管監鐵官布多故置水衡欲以主鹽鐵及揚可告緡上林財物眾乃令水衡主上林三官主鑄錢也

大司農陽城侯田延年有罪自殺師古曰坐增夏五

月詔曰朕以眇身奉承祖宗夙夜惟念孝武皇帝

躬履仁義選明將討不服匈奴遠遁乎氏羌昆明

南越百蠻鄉風師古曰鄉款塞來享應劭曰款叩也皆

如淳曰款寬也請除守塞者自保不為寇害也故曰款五原塞建太

學修郊祀定正朔協音律封泰山塞宣房蘇林曰隄

界李斐曰決河上宮名也張晏曰符山蘇子隄名師古曰蘇張二說皆是應寶鼎出白麟獲功

德茂盛不能盡宣而廟樂未稱師古曰其議奏有

司奏請宜加尊號六月庚午尊孝武廟為世宗廟

奏盛德文始五行之舞應劭曰宣帝復采昭德之舞為盛德舞

以尊世宗廟也諸帝廟皆常奏文始

時五行

舞也

天子世世獻武帝巡狩所幸之郡國皆立廟

賜民爵一級女子百戶牛酒匈奴數侵邊又西伐

烏孫烏孫昆彌及公主因國使者上書

師古曰昆彌烏孫王之號

也國使者漢朝之使也

言昆彌願發國精兵擊匈奴唯天子哀憐

出兵以救公主秋大發興調關東輕車銳卒

師古曰調

亦選也銳利也言其勇利也調音徒約反

選郡國吏三百石伉健習騎射者皆

從軍

師古曰伉強也音口浪反

御史大夫田廣明為祁連將軍

應邵

曰祁連匈奴中山名也諸將分部廣明值此山因為號也師古曰祁音上夷反

後將軍趙充國為蒲

類將軍

應劭曰蒲類匈奴中海名也在燉煌北晉灼曰匈奴傳有蒲類澤師古曰晉說是也

雲中太守田

順為虎牙將軍及度遼將軍范明友前將軍韓增

凡五將軍兵十五萬騎校尉常惠持節護烏孫兵
咸擊匈奴 三年春正月癸亥皇后許氏崩戊辰

五將軍師發長安夏五月軍罷祁連將軍廣明虎

牙將軍順有罪下有司皆自殺

晉灼曰田千秋子也廣明坐逗留順坐增虜獲

校尉常惠將烏孫兵入匈奴右地大克獲封列侯

大旱郡國傷旱甚者民毋出租賦三輔民就賤者

且毋收事盡四年

晉灼曰不給官役也師古曰收謂租賦也事謂役使也盡本始四年而止

六月

己丑丞相義薨

師古曰蔡義

四年春正月詔曰蓋聞

農者興德之本也今歲不登已遣使者振貸困乏

其令太官損膳省宰

師古曰膳具食也食之善者也宰為屠殺也省減也漢儀注大宰令屠者七十

二入宰二百人樂府減樂人使歸就農業丞相以下至都官

令丞

師古曰都官令丞京師諸署之令丞

上書入穀輸長安倉助貸貧民民以

車船載穀入關者得毋用傳

師古曰傳傳符也欲穀之多故不問其出入也傳音張戀反

三月乙

卯立皇后霍氏賜丞相以下至郎吏從官金錢帛各有

差赦天下夏四月壬寅郡國四十九地震或山崩水出詔

曰蓋災異者天地之戒也朕承洪業奉宗廟託于士民

上未能和羣生廼者地震北海琅邪壞祖宗廟朕甚

懼焉丞相御史其與列侯中二千石博問經學之士有以

應變

師古曰謂禦塞災異也

輔朕之不逮毋有所諱令三輔太常內郡

國舉賢良方正各一人律令有可蠲除以安百姓條奏被地

震壞敗甚者勿收租賦大赦天下上以宗廟墮素服避正

殿五日

師古曰墮者毀也音火規反

五月鳳皇集北海安丘淳于

師古曰二縣皆屬北海郡

秋廣

川王吉有罪廢遷上庸自殺

地節元年

應劭曰以先者地震山崩水出於是改元

曰地節欲令地得其節

春正月有星孛于西方三月假郡國貧民田

師古曰權以給

之不

常與夏六月詔曰蓋聞堯親九族以和萬國

師古曰尚書堯典云克明俊德以親九族九族既睦

平章百姓百姓昭明協和萬邦故詔引之

朕蒙遺德奉承聖業惟念宗室屬未盡

而以罪絕若有賢材改行勸善其復屬使得自新

師古曰復音扶反

冬十月楚王延壽謀反自殺十二月癸亥晦日有食之二年

春三月庚午大司馬大將軍光薨詔曰大司馬大將軍博

陸侯

師古曰尊之故不名

宿衛孝武皇帝三十餘年輔孝昭皇帝十

有餘年遭大難躬秉義率三公諸侯九卿大夫定萬世

策以安宗廟天下蒸庶咸以康寧師古曰蒸庶眾人也康安也功德茂盛

朕甚嘉之復其後世疇其爵邑張晏曰律非始封十減二疇者等也言不復減也師古曰復音方目

反世世母有所與師古曰與讀曰豫功如蕭相國夏四月鳳皇集

魯羣鳥從之師古曰今流俗書本此下去戊申立皇太子而後年又有立皇太子事此蓋以元紀云元帝二歲宣帝即位八歲為皇太子故後人妄於此

書加之舊本無也據疏廣及景吉傳並地節三年立皇太子此即明驗而或者妄為臆說乖於實矣大赦天下五月光祿大

夫平丘侯王遷有罪下獄死上始親政事又思報大將軍

功德廼復使樂平侯山領尚書事師古曰霍山光之兄孫而令羣臣得

奏封事以知下情五日一聽事自丞相以下各奉職奏事

以傳奏其言應劭曰敷陳也各自奏陳其言然後試之以官考其功德也師古曰傳讀曰敷考試功能侍中

尚書功勞當遷及有異善厚加賞賜至于子孫終

不改易師古曰言各區區久其職事也樞機周密品式備具上下相安

莫有苟且之意也三年春三月詔曰蓋聞有功

不賞有罪不誅雖唐虞猶不能以化天下今膠東

相成勞來不怠師古曰王成也勞來者言慰勉而招延之也小雅鴻鴈之詩序曰勞來還定安集之勞音盧到

反來音盧代反流民自占六萬餘口師古曰占者謂自隱度其戶口而著名籍也占音之贍反治有

異等師古曰政治異於常等其秩成中二千石賜爵關內侯又

曰鰥寡孤獨高年貧困之民朕所憐也前下詔假

公田貸種食師古曰貸音吐戴反其加賜鰥寡孤獨高年帛二

千石嚴教吏謹視遇毋令失職師古曰職常也失職謂失其常業也令內

郡國舉賢良方正可親民者夏四月戊申立皇太

子大赦天下賜御史大夫爵關內侯中二千石爵

右庶長張晏曰自公孫弘後丞相常封列侯第二十等爵故賜御史大夫爵關內侯第十九等爵也右庶長第十一等爵也

師古曰張說非也此以立皇太子國之大慶故特賜御史大夫及中二千石爵耳非常制也天下當爲父後者

爵一級賜廣陵王黃金千斤諸侯王十五人黃金

各百斤列侯在國者八十七人黃金各二十斤冬

十月詔曰迺者九月壬申地震朕甚懼焉有能箴

朕過失師古曰箴戒也及賢良方正直言極諫之士以匡朕

之不逮師古曰匡正也毋諱有司李奇曰諱避也雖有司在顯職皆言其過勿避之朕旣不

德不能附遠是以邊境屯戍未息今復飭兵重屯

久勞百姓

師古曰飭讀與勅同飭整也

非所以綏天下也其罷車騎

將軍右將軍屯兵又詔他籩未御幸者假與貧民

蘇林曰折竹以繩縣連禁禦使人不得往來律名為籩服虔曰籩在池

水中作室可用棲鳥鳥入中則捕之應劭曰他者陂池也籩者禁苑

也且墳曰籩者所以養鳥也設為藩落周覆其上今鳥

不得出猶苑之畜獸池之畜魚也師古曰蘇應二說是郡國宮館

勿復修治流民還歸者假公田貸種食

師古曰貸音吐載反種五穀種

也音之勇反

且勿筭事

師古曰不出筭賦及給徭役

十一月詔曰朕既不逮

導民不明

師古曰不逮者意慮不及也

反側晨興念慮萬方不忘

元元唯恐羞先帝聖德

師古曰羞謂忝辱也

故竝舉賢良方正

以親萬姓歷載臻茲然而俗化闕焉

師古曰多歷年載迄至于今傳

曰孝弟也者其為仁之本與

師古曰論語載有若之言與讀曰子

其令郡

國舉孝弟有行義聞於鄉里者各一人十二月初

置廷尉平四人秩六百石省文山郡并蜀

師古曰以其縣道隸

蜀郡

四年春二月封外祖母爲博平君故鄆侯蕭何

曾孫建世爲侯詔曰導民以孝則天下順今百姓

或遭衰經凶災

師古曰衰音千回反

而吏繇事使不得葬

師古曰繇

讀曰僛事謂役使之

傷孝子之心朕甚憐之自今諸有大父母

父母喪者勿繇事使得收斂送終盡其子道夏五

月詔曰父子之親夫婦之道天性也雖有患禍猶

蒙死而存之

師古曰蒙冒也

誠愛結於心仁厚之至也豈能

違之哉自今子首匿父母妻匿夫孫匿大父母皆

勿坐師古曰凡首匿者言其父母匿子夫匿妻大父母

匿孫罪殊死皆上請廷尉臣聞立廣川惠王孫文

為廣川王秋七月大司馬霍禹謀反詔曰迺者東

織室令史張赦應劭曰舊時有東西織室織作使魏郡豪

李竟文穎曰有權報冠陽侯霍雲謀為大逆如淳曰

師古曰此說非也謂張赦因李竟傳言於霍雲與共謀反耳非告白

其罪也赦既為織室令史身在京師不須令李竟發之據霍禹傳其

事明朕以大將軍故抑而不揚異其自新今大司馬

博陸侯禹與母宣成侯夫人顯及從昆弟冠陽侯

雲樂平侯山師古曰據霍光傳雲山皆去病之孫則於禹為子行也

今此紀言從昆弟蓋轉寫者脫子字耳當言從昆弟

也諸姊妹婿度遼將軍范明友長信少府鄧廣漢中

郎將任勝騎都尉趙平長安男子馮殷等

晉灼曰漢語字子都

謀爲大逆顯前又使女侍醫淳于衍進藥殺共哀

后

師古曰殺讀曰弑共讀曰恭

謀毒太子欲危宗廟逆亂不道咸伏

其辜諸爲霍氏所誑誤未發覺在吏者皆赦除之

八月己酉皇后霍氏廢九月詔曰朕惟百姓失職

不贍遣使者循行郡國問民所疾苦

師古曰行音下更反

吏或

營私煩擾不顧歆咎朕甚閔之今年郡國頗被水災

已振貸

師古曰貸音他戴反

鹽民之食而賈咸貴

師古曰賈讀曰價其下亦同

衆

庶重困

師古曰更增其困也重音直用反

其減天下鹽賈又曰令甲死

者不可生

文穎曰蕭何承秦法所作爲律令經是也天子詔所增損不在律上者爲令令甲者前帝第一令也如淳

曰今有先後故有今甲令乙今丙師古曰刑者不可息李斐曰息滅也若黥

如說是也甲乙者若今之第一第二篇耳刑者不可息李斐曰息滅也若黥

所重而吏未稱師古曰稱副也今繫者或以掠辜若飢寒瘕

死獄中蘇林曰瘕病也囚徒病律名為瘕如溥曰律囚以飢寒而死

何用心逆人道也朕甚痛之其令如說非矣瘕音瘕字

郡國歲上繫囚以掠笞若瘕死者所坐名縣爵里師古曰名其人名也縣所屬縣也

丞相御史課殿最以聞師古曰凡言殿最者殿後也課居後也最

廢遷房陵元康元年春以杜東原上為初陵

更名杜縣為杜陵徙丞相將軍列侯吏二千石訾

凡要之首也課居先也殿音丁見反十二月清河王年有罪

百萬者杜陵三月詔曰廼者鳳皇集泰山陳留廿

露降未央宮朕未能章先帝休烈師古曰章明也休美也列業也協

寧百姓承天順地調序四時獲蒙嘉瑞賜茲祉福

夙夜兢兢靡有驕色內省匪解永惟罔極師古曰省視也永長

也惟思也罔無也極中也帝言內自視察不書不云乎鳳皇來

儀庶尹允諧師古曰虞書益稷之篇曰蕭韶九成鳳皇來儀擊石拊石百獸率舞庶尹允諧言奏樂之和鳳皇以

其容儀來下百獸相率舞蹈是乃其救天下徒賜勤事吏中

二千石自下至六百石爵自中郎吏至五大夫師古

曰賜中郎吏爵得至五大夫自此以上每爲等級而高賜也佐史以

上二級民一級女子百戶牛酒加賜鰥寡孤獨三

老孝弟力田帛所振貸勿收夏五月立皇考廟益

奉明園戶爲奉明縣

師古曰奉明園即皇考史皇孫之所葬也本名廣明後追改也

復高

皇帝功臣絳侯周勃等百三十六人家子孫令奉

祭祀

師古曰復音方目反次下亦同

世世勿絕其毋嗣者復其次秋

八月詔曰朕不明六藝鬱于大道

孟康曰鬱不通也

是以陰

陽風雨未時其博舉吏民厥身修正通文學明

於先王之術宣究其意者各二人

師古曰究盡也

中二千

石各一人冬置建章衛尉

二年春正月詔曰書

云文王作罰刑茲無赦

師古曰周書康誥之辭也言文王作法罰其有亂常違教者則刑之無放

也釋

今吏修身奉法未有能稱朕意朕甚愍焉其赦

天下與士大夫屬精更始

李斐曰今吏已修身奉法矣但
不能稱上意耳故赦之師古曰

言文王作罰有犯之者皆刑無赦今我意有所闕閱吏修身奉法矣而未稱其任故特赦之與更始耳李說非也

二月乙

丑立皇后王氏

師古曰王
奉光女

賜丞相以下至郎從官錢

帛各有差三月以鳳皇甘露降集賜天下吏爵二

級民一級女子百戶牛酒鰥寡孤獨高年帛夏五

月詔曰獄者萬民之命所以禁暴止邪養育群生

也能使生者不怨死者不恨則可謂文吏矣今則

不然用法或持巧心析律貳端深淺不平

師古曰析
分也謂分

破律條妄生端
緒以出入人罪

增辭飾非以成其罪奏不如實上亦亡

繇知

師古曰上者天子自
謂也繇讀與由同也

此朕之不明吏之不稱四方

黎民將何仰哉二千石各察官屬勿用此人吏務

平法或擅興繇役飾厨傳稱過使客韋昭曰厨謂飲食傳謂傳舍言修飾

意氣以稱過使而已師古曰使人及實客來者稱其意而遣之令過去也稱音尺孕反過者過度之過也越職踰法曰

取名與譬言猶踐薄冰以待白日豈不殆哉師古曰殆危也今

天下頗被疾疫之災朕甚愍之其令郡國被災甚

者毋出今年租賦又曰聞古天子之名難知而易

諱也今百姓多上書觸諱以犯罪者朕甚憐之其

更諱詢諸觸諱在令前者赦之師古曰令謂今詔書又京兆尹

趙廣漢有罪要斬三年春以神爵數集泰山

賜諸侯王丞相將軍列侯二千石金卽從官帛各

有差賜天下吏爵二級民一級女子百戶牛酒鰥寡

孤獨高年帛三月詔曰蒸聞象有罪舜封之

應劭曰象者舜

弟也曰以殺舜爲事舜爲天子猶封之於有鼻之國

骨肉之親絜而不殊

師古曰絜明也殊絕也當

明於仁恩不離絕也

其封故昌邑王賀爲海昏侯又曰朕微眇

時御史大夫邴吉中郎將史曾史玄長樂衛尉許

舜侍中光祿大夫許延壽皆與朕有舊恩及故掖

庭令張賀輔導朕躬修文學經術恩惠卓異厥功

茂焉詩不云乎無德不報

師古曰大雅抑之詩也言受人之德必有報也

封賀

所子弟子侍中中郎將彭祖爲陽都侯

如淳曰賀張安世兄有一

子早死故以彭祖爲子師古曰所子者言養弟子以爲子

追賜賀謚曰陽都哀侯吉曾

玄舜延壽皆為列侯故人下至郡邸獄復作師古曰謂胡組

趙徵卿之輩也嘗有阿保之功臣瓚曰阿倚保養也皆受官祿田宅

財物各以恩深淺報之夏六月詔曰前年夏神爵

集雍晉灼曰漢注大如鸚爵黃喉白頸黑背腹斑文也師古曰鸚音晏今春五色鳥以萬

數飛過屬縣師古曰三輔諸縣也翱翔而舞欲集未下其令三

輔毋得以春夏擿巢探卵彈射飛鳥師古曰擿音佗秋反射音食亦反

具為令立皇子欽為淮陽王 四年春正月詔曰

朕惟耆老之人髮齒墮落血氣衰微亦亡暴虐之

心今或羅文法拘執囹圄不終天命朕甚憐之自

今以來諸年八十以上非誣告殺傷人佗皆勿坐

師古曰誣告人及殺傷人

皆如舊法其餘則不論

遣太中大夫彊等十二人循行

天下

師古曰行音下更反

存問鰥寡覽觀風俗察吏治得失

舉茂材異倫之士二月河東霍徵史等謀反誅三

月詔曰迺者神爵五采以萬數集長樂未央北宮高

寢甘泉泰畤殿中及上林苑朕之不逮寡于德厚

屢獲嘉祥非朕之任其賜天下吏爵二級民一級

女子百戶牛酒加賜三老孝弟力田帛人二匹鰥

寡孤獨各一匹秋八月賜故右扶風尹翁歸子黃

金百斤以奉其祭祀又賜功臣適後

師古曰適讀曰嫡承嗣者也或子或

孫不拘後裔故摠言後也

黃金人二十斤丙寅大司馬衛將軍安

天氣清靜神魚舞河幸萬歲宮神爵翔集

服虔曰萬歲宮

在東郡平陽縣今有津晉灼曰黃圖汾陰有萬歲宮是時幸河東師古曰晉說是

朕之不德懼不能任

其以五年為神爵元年賜天下勤事吏爵二級民

一級女子百戶牛酒鰥寡孤獨高年帛所振貸物

勿收行所過毋出田租西羌反發三輔中都官徒

弛刑

李奇曰弛廢也謂若今徒解鉗鈇赭衣置任輸作也師古曰中都官京師諸官府也漢儀注長安中諸官獄三十六所弛刑李

說是也若今徒囚但不枷鎖而責保散役之耳弛音式爾反

及應募飲飛射士

服虔曰周時度江越人在船下

負船將覆之飲飛入水殺之漢因以材力名官如淳曰呂氏春秋荆有茲非得寶劍於干將渡江中流兩蛟繞舟茲非拔寶劍赴江刺兩蛟殺

之荆王聞之任以執圭後世以為勇力之官茲飲音相近臣瓚曰李秦左弋官也武帝改曰飲飛官有一令九丞在上林苑中結矰繳以弋鳧鴈

歲萬頭以供祀宗廟許慎曰飲便利也便利矰繳以弋鳧鴈故曰飲飛詩曰投拾既飲者也師古曰取古勇力人以名官熊渠之類是也亦因取

其便利輕疾若飛故号飲飛弋鳧鴈事自使羽林孤兒應劭曰天有羽

林大將軍之星林諭若林木之盛羽羽翼鷲擊之意故以名武官焉如淳曰百官表取從軍死事者之子養羽林官教以五兵號曰羽林

孤兒少壯令從軍漢議注羽林從官七百胡越騎三河潁川沛郡淮陽汝南材官

金城隴西天水安定北地上郡騎士羌騎詣金城夏四

月遣後將軍趙充國彊弩將軍許延壽擊西羌六

月有星孛于東方即拜酒泉太守辛武賢為破羌

將軍師古曰即就也就酒泉而拜之不徵入與兩將軍竝進師古曰兩將軍即趙充國許延壽

詔曰軍旅暴露轉輸煩勞其令諸侯王列侯蠻夷

王侯君長當朝二年者皆毋朝師古曰朝來年之正月秋賜故

大司農朱邑子黃金百斤以奉祭祀後將軍充國

言屯田之計語在充國傳 二年春二月詔曰迺

者正月乙丑鳳皇甘露降集京師群鳥從以萬數

朕之不德屢獲天福祇事不怠其赦天下夏五月

羌虜降服斬其首惡大豪楊王酋文頴曰羌胡名大帥為酋如中

國言魁非首其名也如淳曰酋音酒醜孰師古曰文說失矣酋者自是魁帥之稱而此酋不當其義也蓋首惡者唱首為惡也大豪者魁帥也

楊王及酋非皆人名言斬此二人之首級耳既已言大豪不當重言酋且趙充國傳又云酋非楊王首此其明驗也酋音才由反

置金城屬國以處降羌秋匈奴日逐王先賢揮鄭氏

曰揮音纏束之纏音灼曰音田師古曰鄭音是也將人眾萬餘來降使都護西域

騎都尉鄭吉迎日逐破車師皆封列侯九月司隸

校尉蓋寬饒有罪下有司自殺匈奴單于遣名

王奉獻

師古曰名王者謂有大名以別諸小王也

賀正月始和親

師古曰賀來歲之正月

三年春起樂游苑

師古曰三輔黃圖云在杜陵西北又關中記云宣帝立廟於曲池之北號樂游案其處則

今之所呼樂游廟者是也其餘基尚可識焉蓋本為苑後因立廟乎樂音來各反

三月丙午丞相相

薨

師古曰魏相

秋八月詔曰吏不廉平則治道衰今小

吏皆勤事而奉祿薄

師古曰奉音扶用反其下亦同

欲其毋侵漁百

姓難矣

如淳曰漁奪也謂奪其利便也晉灼曰許慎云捕魚之字也師古曰漁者若言漁獵也晉說是也

其益

吏百石以下奉十五

如淳曰律百石奉月六百羸昭曰若食一斛則益五斗

四年

春二月詔曰迺者鳳皇甘露降集京師嘉瑞並見

修興泰一五帝后土之祠祈為百姓蒙祉

師古曰祉福不為音于

偽鸞鳥鳳萬舉蜚覽翺翔集止于旁

師古曰萬舉猶言舉以萬數也蜚古

飛字也言鸞鳳飛翔臨見觀都邑也

齋戒之暮神光顯著薦登之夕神光

交錯

師古曰卷香酒所以祭神

或降于天或登于地或從四方來

集于壇上帝嘉嚮海內承福

師古曰嚮讀曰嚮良

其赦天下賜

民爵一級女子百二斤牛酒鰥寡孤獨高年帛夏四

月穎川太守黃霸以治行九異秩中二千石

如淳曰太守雖

號二千石有千石八百石居者有功德茂異乃得滿秩霸得中二千石九卿秩也晉灼曰此直謂二千石增秩為中二千石耳不謂滿不

滿也師古曰如說非也霸朝舊已二千石矣今增為中二千石以寵異之此與地節三年增膠東相王成秩其事同耳漢制秩二千石者一歲得

一千四百四十石實不滿二千石也其云中二千石者一賜爵關內侯歲得二千一百六十五石舉成數言之故曰中二千石中者滿也

黃金百斤及穎川吏民有行義者爵人二級力田

一級貞婦順女帛令內郡國舉賢良可親民者

婚姻之禮人倫之大者也酒食之會所以行禮樂

也今郡國二千石或擅爲苛禁禁民嫁娶不得具

酒食相賀召由是廢鄉黨之禮令民亡所樂非所

以道守民也詩不云乎民之失德乾餱以愆師古曰小雅伐木之

詩也餱食也愆過也言人無恩德不相飲食則闕乾餱之事爲過惡也乾音干餱音侯勿行苛政冬十

一月匈奴呼遼累單于帥衆來降師古曰遼古速字累音力追反封

爲列侯十二月平通侯揚惲師古曰惲音於吻反坐前爲光祿

勳有罪免爲庶人不悔過怨望大逆不道要斬

三年春正月癸卯丞相吉薨師古曰丙吉也三月行幸河

東祠后土詔曰往者匈奴數爲邊寇百姓被其害

朕承至尊未能綏安匈奴虛閭權渠單于請求和

親病死右賢王屠耆堂代立骨肉大臣立虛閭權

渠單于子為呼韓邪單于擊殺屠耆堂諸王竝自

竝分為五單于更相攻擊師古曰更音工衡反死者以萬數畜

產大耗什八九師古曰耗損也言十損其八九也耗音呼到反人民飢餓相燔燒

以求食師古曰燔焚也音扶元反因大乖亂單于闕氏服虔曰闕氏音焉友子

孫昆弟及呼漱累單于名王右伊秩訾言且渠當戶

以下師古曰伊秩訾言且渠當戶皆匈奴官号也訾音子移反且音子余反將眾五萬餘人來降

歸義單于稱臣使弟奉珍朝賀正月北邊晏然靡

有兵革之事朕飭躬勵衛戒師古曰飭與敕同郊上帝祠后土

神光並見或興于谷燭燿齊宮十有餘刻師古曰燭亦照也刻

者以漏言時也甘露降神爵集已詔有司告祠上帝宗廟三

月辛丑鸞鳳又集長樂宮東闕中樹上張晏曰門外闕內衡馬之裏樹

也飛下止地文章五色留十餘刻吏民並觀朕之

不敏懼不能任婁蒙嘉瑞獲茲祉福師古曰婁古婁字書不

云乎雖休勿休祇事不怠師古曰周書呂刑之辭言雖見褒美勿自以為有德美當敬於事

無怠也公卿大夫其勗焉師古曰勗勉也減天下口錢赦殊死以

下賜民爵一級女子百戶牛酒大酺五日加賜鰥

寡孤獨高年帛置西河北地屬國以處匈奴降者

四年春正月廣陵王胥有罪自殺匈奴單于稱臣

遣弟谷蠡王入侍

服虔曰谷音鹿韋昭曰蠡音如麗師古曰谷服音是也柔吐音落奚反

以邊塞

亡寇減戍卒什二大司農中丞耿壽昌奏設常平

倉以給北邊

應劭曰壽昌奏令邊郡穀賤時增賈而糴穀貴時減賈而糴名曰常平倉見食貨志

省

轉漕賜爵關內侯夏四月辛丑晦日有蝕之詔曰

皇天見異以戒朕躬是朕之不逮吏之不稱也

師古曰稱

副也以前使使者問民所疾苦復遣丞相御史掾二

十四人循行天下

師古曰行音下更反

舉冤獄察擅為苛禁深

刻不改者甘露元年春正月行幸甘泉郊泰畤

奴呼韓邪單于遣子右賢王誅婁渠堂入侍

師古曰誅音殊

婁音力于反

二月丁巳大司馬車騎將軍延壽薨

文穎曰許延壽

夏四月黃龍見新豐丙申太上皇廟火甲辰孝文

廟火上素服五日冬匈奴單于遣弟左賢王朝賀

二年春正月立皇子嚳為定陶王師古曰嚳音教詔曰迺

者鳳皇甘露降集黃龍登興醴泉滂流枯槁榮茂

師古曰槁音口老反神光竝見咸受禎祥師古曰禎正也祥福也禎音貞其赦天

下減民筭三十師古曰一筭減錢三十也賜諸侯王丞相將軍列侯

中二千石金錢各有差賜民爵一級女子百戶牛

酒鰥寡孤獨高年帛夏四月遣護軍都尉祿將兵

擊珠崖秋九月立皇子宇為東平王冬十二月行

幸萑陽宮應劭曰宮在郵秦文王所起伏儼曰在扶風李斐曰萑音倍師古曰應說李音是也屬玉觀

服虔曰以玉飾因名焉在扶風李奇曰屬玉音鬱焉其上有此鳥
因以爲名晉灼曰屬玉水鳥似鵝鶻以名觀也師古曰晉說是也屬

音之欲反匈奴呼韓邪單于款五原塞師古曰款叩也願奉國珍

朝三年正月師古曰欲於甘露三年正月行朝禮詔有司議成曰聖

王之制施德行禮先京師而後諸夏先諸夏而後

夷狄詩云率禮不越遂視既發相土烈烈海外有

截文類曰遂徧也發行也言契大能使其民率禮不越法度徧承視其

然四海之外率服整齊也陛下聖德充塞天地光被四

表師古曰四表四方之外也匈奴單于鄉風慕義師古曰鄉讀曰嚮舉國

同心奉珍朝賀自古未之有也單于非正朔所加

王者所客也禮儀宜如諸侯王稱臣昧死再拜位

次諸侯王下詔曰蓋聞五帝三王禮所不施不及

以政

師古曰言禁外之人非禮所設者政刑亦不及

今匈奴單于稱北藩臣朝

正月朕之不逮德不能弘覆其以客禮待之位在

諸侯王上三年春正月行幸甘泉郊泰畤匈奴

呼韓邪單于稽侯獮來朝

應劭曰獮音若訕李奇曰獮音山師古曰稽音古奚反獮音刪

又音先安反

贊謁稱藩臣而不名賜以璽綬冠帶衣裳

安車四馬黃金錦繡繒絮使有司道單于

師古曰道讀曰導導

引先行就邸長安宿長平上自甘泉宿池陽宮上

登長平阪

如淳曰阪名也在池陽南上原之阪有長平觀去長安五十里師古曰涇水之南原即今所謂畦城阪

詔單于毋謁

師古曰不拜見也

其左右當戶之羣皆列觀

孟康

曰左右當戶
匈奴官名

蠻夷君長王侯迎者數萬人夾道陳上

登渭橋咸稱萬歲單于就邸置酒建章宮饗賜

單于觀以珍寶

師古曰
觀示也

二月單于罷歸遣長樂衛尉

高昌侯忠

晉灼曰功
臣表董忠

車騎都尉昌

晉灼曰
韓昌

騎都尉虎

曰不知姓晉灼曰百官表唯記三輔
郡以上若此皆不見姓無從知之

將萬六千騎送單于單

于居幕南保光祿城

孟康曰前光祿
徐自爲所築城

詔北邊振穀食到

支單于遠遁

師古曰
鄧音質

匈奴遂定詔曰迺者鳳皇集新

蔡群鳥四面行列皆鄉鳳皇立以萬數

師古曰行音胡
郎反鄉讀曰嚮

其賜汝南太守帛百匹新蔡長吏三老孝弟力田

鰥寡孤獨各有差賜民爵二級毋出今年租三月

己丑丞相霸薨

文穎曰黃霸

詔諸儒講五經同異太子太

傅蕭望之等平奏其議上親稱制臨決焉廼立梁

丘易大小夏侯尚書穀梁春秋博士及烏孫公主

來歸

應劭曰楚王女解憂

四年夏廣川王海陽有罪廢遷房

陵冬十月丁卯未央宮宣室閣火

黃龍元年

應劭

曰先是黃龍見新豐因以冠元焉師古曰漢注云此年二月黃龍見廣漢郡故改年然則應說非也見新豐者於此五載矣

春正月

行幸甘泉郊泰畤匈奴呼韓邪單于來朝禮賜如

初二月單于歸國詔曰蓋聞上古之治君臣同心

舉措曲直各得其所

師古曰措置也音千故反

是以上下和洽海

內康平其德弗可及已

師古曰已語終辭

朕既不明數申詔

公卿大夫務行寬大

師古曰申束順也謂約束之

順民所疾苦

師古曰失所疾

苦則順其意也

將欲配三王之隆明先帝之德也今吏或以

不禁茲邪為寬大縱釋有罪為不苛或以酷惡為

賢皆失其中

師古曰中音竹仲反

奉詔宣化如此豈不繆哉方

今天下少事繇役省減兵革不動而民多貧盜賊

不止其咎安在上計簿具文而已

師古曰雖有其文而實不副也簿音步戶

反其下亦同

務為欺謾以避其課

師古曰謾詐言也音慢又音莫連反

三公不以為

意朕將何任

師古曰言無所委任

諸請詔省卒徒自給者皆止

應劭曰時有請云詔使出者省卒徒以其直自給不復取粟假雖有進入於官非舊章也故絕之張晏曰先是漢武帝以用度不足宜有以益官

者或奉使求不受奉祿自省其徒眾以取其粟者或自給於是茲更緣為利所得多於本祿故絕之如淳曰且是時有所省卒徒而羣臣有請

之以自給官府者先時聽與之今更悔
之不復聽也師古曰應張二說是也
御史察計簿疑非實者

按之使真偽母相亂三月有星孛于王良閣道入

紫宮

蘇林曰皆星名

夏四月詔曰舉廉吏誠欲得其真也吏

六百石位大夫有罪先請秩祿上通足以效其賢

材自今以來毋得舉

韋昭曰吏六百石者不得復舉為廉吏也

冬十二月甲

戌帝崩于未央宮

目璜曰帝年十八即位即位二十五年壽四十三

癸巳尊皇太

后曰太皇太后

師古曰於此已書尊太皇太后元紀之首又重書之然尊太皇太后及皇太后宜同一時則元

紀為是而此紀誤重之

贊曰孝宣之治信賞必罰

師古曰有功必賞有罪必罰

綜核名實政

事文學法理之士咸精其能至于技巧工匠器械

自元成間鮮能及之

師古曰械者器之摠名也一曰有盛為械無盛為器鮮少也言少有能及

之者鮮音先踐反

亦足以知吏稱其職民安其業也遭值匈

奴乖亂推亡固存

李奇曰推亡者若紂為無道天下苦之有滅亡之形周武遂推而覆之固存者譬如

鄰國以道蒞民上下一心勢必能存因就而堅固之今匈奴內自奮爭有土故宣帝能朝呼韓邪而固存之走郅支單于使遠遁是謂推亡也

師古曰尚書仲虺之誥曰推亡固存邪乃其昌言有上道者則推而滅之有存道者則輔而固之王者如此國乃昌盛故此贊引之

信

威北夷

師古曰信讀為申古通用字一說恩信及威並著北夷

單于莫義稽首稱藩

功光祖宗業垂後嗣可謂中興侔德殷宗周宣

矣


師古曰侔等躬之高宗及周宣王也

孝宣紀第八

元紀第九

班固

漢書九



秘書監上護軍琅邪縣開國子顏師古注

孝元皇帝

荀悅曰諱奭之字曰盛應劭曰諡法行義悅民曰元師古曰奭音式亦反

宣帝太子也

母曰共哀許皇后

張晏曰禮婦人從夫諡閱其見殺故兼三諡師古曰共讀曰恭

宣帝微時

生民間年二歲宣帝即位八歲立為太子

師古曰宣帝即位之

明年改元曰本始本始凡四年而改元曰地節地節三年立皇太子若幼即位年二歲則立為太子時年九歲矣又宣帝以元平元年七月即

位而外戚傳云許后生元帝數月宣帝立為帝是則即位時太子未必二歲也參校前後衆文此紀進退為錯

壯大柔仁好

儒見宣帝所用多文法吏以刑名繩下

晉灼曰刑刑家名名家也太史

公曰法家嚴而少恩名家儉而善失貞師古曰晉說非也劉向別錄云申子學號刑名刑名者以名責實尊君卑臣崇上抑下宣帝好觀其君

臣篇繩謂彈治之目

大臣楊惲盡寬饒等坐刺譏辭語

為罪而誅

師古曰憚音於吻反

嘗侍燕從容言

師古曰從音千容反

陛下持

刑太深宜用儒生宣帝作色曰

師古曰作動也意怒故動色

漢家自

有制度本以霸王道雜之柰何純任德教用周政

乎

師古曰婚周之政

且俗儒不達時宜好是古非今使人

眩於名實

師古曰眩亂視也音胡晒反

不知所守何足委任廼歎

曰亂我家者太子也繇是疏太子而愛淮陽王

師古

曰繇讀與由同

曰淮陽王明察好法宜為吾子而王母張健

仔尤幸上有意欲用淮陽王代太子然以少依許

氏俱從微起故終不背焉黃龍元年十二月宣帝

崩癸巳太子即皇帝位謁高廟尊皇太后曰太皇太

后

蘇林曰
上官后

皇后曰皇太后

文穎曰
成王皇
后母養元帝者也

初元元年

春正月辛丑孝宣皇帝葬杜陵

臣瓚曰
自崩至葬凡二十
八日杜陵在長安南五十

也賜諸侯王公主列侯黃金吏二千石以下錢帛

各有差大赦天下三月封皇太后兄侍中中郎將

王舜為安平侯丙午立皇后王氏以三輔大常郡

國公田及苑可省者振業貧民

師古曰
振起
之令有作業

貨不滿

千錢者賦貸種食

師古曰
賦給與之也
貸音土戴反種音之勇反

封外祖父

平恩戴侯同產弟子中常侍許嘉為平恩侯奉戴

侯後

文穎曰
戴侯許廣漢

夏四月詔曰朕承先帝之聖緒獲奉

宗廟戰戰兢兢間者地數動而未靜懼於天地之

戒不知所繇師古曰繇與由同方田作時朕憂蒸庶之失業

師古曰蒸衆也臨遣光祿大夫褒等十二人應劭曰自臨面約勅乃遣之循行

天下師古曰行音下更反存問耆老鰥寡孤獨困乏失職之民

師古曰失職失其常業延登賢俊招顯側陋因覽風俗之化相

守二千石誠能正躬勞力師古曰相者諸侯王相也守郡守也宣明教化

以親萬姓則六合之內和親庶幾虜無憂矣書不

云乎股肱良哉庶事康哉師古曰虞書益稷之辭也言君能任賢股肱之臣皆得良善則

衆事安寧布告天下使明知朕意又曰關東今年穀不

登民多困乏其令郡國被災害甚者毋出租賦江

海陂湖園池屬少府者以假貧民師古曰湖深水勿租賦賜

宗室有屬籍者馬一匹至二匹師古曰二馬四匹三老孝者

帛五匹弟者力田三匹鰥寡孤獨二匹吏民五十

戶牛酒師古曰以五十戶為率共賜之六月以民疾疫令太官損膳減

樂府負省苑馬以振困乏秋八月上郡屬國降胡

萬餘人亡入匈奴九月關東郡國十一大水飢或

人相食轉旁郡錢穀以相救詔曰間者陰陽不調

黎民飢寒無以保治師古曰惟德淺薄不足以充入

舊貫之居應劭曰言已德淺薄不足以充舊貫舊貫者常居也師古曰論語稱閔子騫云仍舊貫帝自謙言不足充入先

帝之居室故引以為言也其令諸宮館希御幸者勿繕治師古曰繕補也

太僕減穀食馬水衡省肉食獸師古曰減謂損其數省者全去之

二年春正月行幸甘泉郊泰畤賜雲陽民爵一級
女子百戶牛酒立弟竟為清河王三月立廣陵厲

王太子霸為王詔罷黃門乘輿狗馬

師古曰黃門近署也故親幸之物

屬水衡禁園宜春下苑

孟康曰宮名也在杜縣東晉灼曰史記云葬二世杜南宜春苑中師古曰

宜春下苑即今京城東南隅曲池是

少府飲飛外池

如淳曰漢儀注飲飛具繒繳以射鳧鴈給祭祀是故有池也

嚴

籞池田

蘇林曰嚴飾池上之屋及其地也晉灼曰嚴籞射苑也許慎曰嚴弋射者所蔽也池田苑中田也師古曰晉說是假

與貧民詔曰蓋聞賢聖在位陰陽和風雨時日月

光星辰靜黎庶康寧考終厥命

師古曰考老也言得壽考終其天命

今朕

恭承天地託于公侯之上明不能燭德不能綏災

異並臻連年不息乃二月戊午地震于隴西郡毀

落太上皇廟殿，鐫木飾壞敗，獠道、縣城、郭宮寺及

民室屋壓殺人衆。

師古曰：獠道，屬天水，凡府庭所在，皆謂之寺。獠音桓，壓音烏，狎反。

山崩地

裂，水泉涌出，天惟降災，震驚朕師。

師古曰：師，衆也。

治有大

虧咎，至於斯夙，夜兢兢不通，大變深惟，鬱悼未知

其序。

師古曰：鬱，不通之意也。序，次也。

間者歲數不登，元元困乏，不勝飢

寒，以陷刑辟，朕甚閔之。郡國被地動災甚者，無出

租賦，赦天下有可蠲除減省，以便萬姓者，條奏毋

有所諱。丞相、御史中二千石、舉茂材異等，直言極

諫之士，朕將親覽焉。夏四月丁巳，立皇太子，賜御

史大夫爵關內侯，中二千石右庶長。

師古曰：第十一爵。

天下

當爲父後者爵一級列侯錢各二十萬五大夫十

萬

師古曰五大夫第九爵

六月關東飢齊地人相食秋七月詔

曰歲比災害民有菜色

師古曰五穀不收人但食菜故其顏色變惡

慘怛於心

師古曰慘痛也怛悼也

已詔吏虛倉廩開府庫振救賜寒者衣

今秋禾麥頗傷一年中地再動北海水溢流殺人

民陰陽不和其咎安在公卿將何以憂之其悉意

陳朕過靡有所諱

師古曰悉意盡意也靡無也

冬詔曰國之將興尊

師而重傅故前將軍望之傅朕八年道以經書歎

功茂焉

師古曰茂美也道讀曰導

其賜爵關內侯食邑八百戶朝

朔望十二月中書令弘恭石顯等譖望之令自殺

三年春令諸侯相位在郡守下

師古曰此諸侯謂諸侯王也

珠厓

郡山南縣反博謀群臣待詔賈捐之以爲宜棄珠

厓救民飢饉

師古曰穀不孰爲飢蔬不孰爲饉蔬菜也

乃罷珠厓夏四月乙

未晦茂陵白鶴館災詔曰迺者火災降於孝武園

館朕戰栗恐懼不燭變異咎在朕躬師古曰燭照也群司又

未肯極言朕過以至於斯將何以寤焉百姓仍遭

凶阨無以相振

師古曰仍頻也

加以煩擾虐苛吏拘牽虐微

文不得永終性命

師古曰永長也

朕甚閔焉其赦天下夏旱

立長沙煬王弟宗爲王

鄭氏曰煬音供養之養也

封故海昏侯賀

子代宗爲侯六月詔曰蓋聞安民之道本繇陰陽

師古曰驟與由同 聞者陰陽錯謬風雨不時朕之不德庶幾

群公有敢言朕之過者今則不然媮合苟從未肯

極言師古曰媮與偷同 朕甚閔焉惟丞庶之飢寒遠離父母

妻子勞於非業之作衛於不居之宮師古曰不急之事故云非業也 恐

非所以佐陰陽之道也其罷甘泉建章宮衛令就

農百官各省費師古曰費用之物務減省 條奏母有所諱有司勉

之母犯四時之禁丞相御史舉天下明陰陽災異

者各三人於是言事者眾或進擢召見人人自以

得上意師古曰人人各自以當天子之意 四年春正月行幸甘泉郊

泰畤三月行幸河東祠后土赦汾陰徒賜民爵一

級女子百戶牛酒鰥寡高年帛行所過無出租賦

五年春正月以周子南君爲周承休侯

文穎曰姓姬名延其祖父姬嘉

本周後武帝元鼎四年封爲周子南君今奉周祠師古曰承休國在潁川

位次諸侯王三月行幸

雍祠五時夏四月有星孛于參詔曰朕之不逮序

位不明

師古曰逮及也言官人之位失其次序

衆僚久慮

應劭曰慮音曠師古慮古曠字曠也不得其

人則職事空發

未得其人元元失望上感皇天陰陽爲變咎

涿萬民朕甚懼之迺者關東連遭災害飢寒疾

疫夭不終命詩不云乎凡民有喪匍匐救之

師古曰邠國谷

風之詩也言見人有喪禍之事則當盡力以救之匍音步扶反匍音步得反

其令大官母日殺

師古

日不得日

所具各減半

師古曰食具也

乘輿秣馬無乏正事

而已

師古曰秣養也粟秣食之也正事謂駕供郊祀蒐狩之事非游田者也秣音末

罷角抵上林宮

館希御幸者齊三服官

李斐曰齊國舊有三服之官春獻冠憤繼爲首服紬素爲冬服輕綃爲夏

服凡三如淳曰地理志曰齊冠帶天下胡公曰服官主作文繡以給衮龍之服地理志襄邑亦有服官師古曰齊三服官李說是也繼與纒同

音山爾反即今之方目錄也紬素今之絹也輕綃今之輕紗也襄邑自出文繡非齊三服也

北假田官

李斐曰主假賃見官田與民收

其假稅也故置田農之官晉灼曰匈奴傳秦始皇渡河據陽山北假中王莽傳五原北假膏壤殖穀北假地名師古曰晉說是也鹽鐵官

常平倉博士弟子母置負以廣學者賜宗室子有

屬籍者馬一匹至二駟三老孝者帛人五匹弟者

力田三匹鰥寡孤獨二匹吏民五十戶牛酒省刑

罰七十餘事除光祿大夫以下至郎中保父母同

產之令

應劭曰舊時相保一人有過皆當坐之師古曰特爲郎中以上除此令者所以優之也同產謂兄弟也

令從

官給事官司馬中者得為大父母父母兄弟通籍

應劭曰從官謂宦者及虎賁羽林大醫等大官是也司馬中者宮內門也

司馬主武兵禁之意也籍者為二尺竹牒記其年紀名字物色縣之宮

門案省相應乃得入也師古曰應說非也從官親近天子常侍從者皆

是也故此下云科弟郎從官司馬門者宮之外門也衛尉有八屯衛候

司馬主衛士徼巡宿衛每面各二

司馬故謂宮之外門為司馬門冬十二月丁未御史大夫貢

禹卒衛司馬谷吉使匈奴不還師古曰即衛尉

永光元年春正月行幸甘泉郊泰畤赦雲陽徒賜

民爵一級女子百戶牛酒高年帛行所過毋出租

賦二月詔丞相御史舉質樸敦厚遜讓有行者光

祿歲以此科弟郎從官師古曰始令丞相御史舉此四科人

祿每歲依此科考校定其三月詔曰五帝三王任賢使能

弟高下用知其人賢否也

以登至平而今不治者豈斯民異哉

師古曰言今所治人即五帝三王之

衆庶咎在朕之不明亡以知賢也是故王人在位

服虔曰王

人佞人也

而吉士雍蔽

師古曰吉善也大雅卷阿之詩曰藹藹王多吉士雍讀曰壅

重以周

秦之弊民漸薄俗

師古曰為薄俗所漸深也重音直用反

去禮義觸刑法

豈不哀哉繇此觀之元元何辜

師古曰繇讀與由同

其赦天下

令厲精自新各務農畝無田者皆假之貸種食如

貧民

師古曰此皆謂遇赦新免罪者也故云如貧人

賜吏六百石以上爵五大

夫勤事吏二級民一級女子百戶牛酒鰥寡孤獨

高年帛是月雨雪

師古曰雨音于具反

隕霜傷麥稼秋罷

如淳曰當

言罷某事爛脫失之晉灼曰或無稼字或稼字在秋下稼或作減或作霖五行志永光元年三月隕霜殺桑九月二日隕霜殺稼天下大饑言

傷麥秣秋罷是也師古曰晉說得之秋者謂秋時所收穀稼也今俗猶謂黍豆之屬蜀為雜稼云秋罷者言至秋時無所收

二年

春二月詔曰蓋聞唐虞象刑而民不犯

師古曰象刑解在武紀

殷周法行而姦軌服

師古曰軌與宄同亂在外曰姦在內曰軌

今朕獲承高

祖之洪業託位公侯之上夙夜戰栗永惟百姓之

急未嘗有忘焉然而陰陽未調三光晦昧

師古曰晦與暗同又

音烏

元元大困流散道路盜賊並興有司又長殘賊

失牧民之術是皆朕之不明政有所虧咎至於此

朕甚自恥為民父母若是之薄謂百姓何

師古曰言何以撫臨

其大赦天下賜民爵一級女子百戶牛酒鰥寡

孤獨高年三老孝弟力田帛又賜諸侯王公主列

侯黃金中二千石以下至中都官長吏各有差吏

六百石以上爵五大夫勤事吏各二級三月壬戌

朔日有蝕之詔曰朕戰戰栗栗夙夜思過失不敢

荒寧師古曰荒廢也不取廢事而自寧惟陰陽不調未燭其咎妻敕公

卿曰望有效師古曰婁古屢字其後亦同至今有司執政未得其中

師古曰中音竹仲反施與禁切未合民心師古曰施惠福薄禁令煩苛暴猛之俗

彌長和睦之道日衰百姓愁苦靡所錯躬師古曰錯置也音千

故反是以氛邪歲增侵犯太陽師古曰氛惡氣也邪者言非正氣也太陽日也正

氣湛掩日以奪光師古曰湛讀與沈同湛掩者見掩而湛沒迺壬戌日有蝕

之天見大異以戒朕躬師古曰見顯示朕甚悼焉其令內郡

國舉茂材異等賢良直言之士各一人夏六月詔

曰間者連年不收四方咸困元元之民勞於耕耘

又亡成功困於饑饉亡以相救朕爲民父母德不

能覆而有其刑甚自傷焉其赦天下秋七月西

羌反遣右將軍馮奉世擊之八月以太常任千秋

爲奮威將軍別將五校並進師古曰別領五校之兵而與右將軍並進三年

春西羌平軍罷三月立皇子康爲濟陽王夏四月癸

未大司馬車騎將軍接薨師古曰王接冬十一月詔曰迺

者已丑地動中冬雨水大雩師古曰中讀白仲兩音于具反盜賊並起吏

何不以時禁各悉意對師古曰時禁謂月令所當禁斷者也悉盡也冬復鹽

鐵官博士弟子負師古曰復音扶目反以用度不足民多復除

師古曰復音方目反無以給中外繇役四年春二月詔曰朕承至尊

之重不能燭理百姓妻遭凶咎加以邊竟不安師旅在

外師古曰婁讀曰屢竟讀曰境賦斂轉輸元元騷動窮困亡聊犯法

抵罪夫上失其道而繩下以深刑朕甚痛之其赦

天下所貸貧民勿收責三月行幸雍祠五時夏六

月甲戌孝宣園東闕災戊寅晦日有蝕之詔曰蓋聞

明王在上忠賢布職則群生和樂方外蒙澤今朕

晡于王道師古曰晡讀與暗同夙夜憂勞不通其理靡瞻不眩

靡聽不惑師古曰靡無也眩視亂也音胡眄反是以政令多還民心未得

李奇曰還反也易曰渙汗其大號言王者發號施令如汗出不可復反邪說空進事亡成功此

天下所著聞也公卿大夫好惡不同師古曰愛憎各異也或緣

姦作邪侵削細民元元安所歸命哉迺迺六月晦日

有蝕之詩不云虐今此下民亦孔之哀師古曰小雅十月之交之詩也

孔甚也言災異既多百姓甚可哀愍自今以來公卿大夫其勉思天戒慎

身修永以輔朕之不逮師古曰虞書各歸其言云慎厥身修思永言當慎修其身思為長久之道故

此詔云慎身修永也今流俗書本永上有職字者後人不曉妄加之耳直言盡意無有所諱九

月戊子罷衛思后園服虔曰戾太子母也及戾園冬十月乙丑

罷祖宗廟在郡國者諸陵分屬三輔師古曰先是諸陵摠屬太常今各依

其地界屬三輔以渭城壽陵亭部原上為初陵服虔曰元帝所置陵也未有名故曰

初詔曰安土重遷黎民之性

師古曰重難也

骨肉相附人情

所願也頃者有司緣臣子之義奏徙郡國民以奉

園陵令百姓遠棄先祖墳墓破業失產親戚別離

人懷思慕之心家有不自安之意是以東垂被虛耗

之害關中有無聊之民

師古曰耗損也音呼到反

非久長之策也

詩不云虐民亦勞止迄可小康惠此中國以綏四

方

師古曰大雅人勞之詩也止語助也迄至也康安也言人勞已久至此可以小安逸之施惠京師以及四遠也

今所爲

初陵者勿置縣邑使天下咸安土樂業亡有動搖

之心布告天下令明知之又罷罷先后父母奉邑

應劭

曰先后爲其父母置邑守冢以奉祭祀既以久遠又非典制故罷之師古曰奉邑奉音扶用反

五年春正月

行幸甘泉郊泰時三月上幸河東祠后土秋潁川

水出流殺人民吏從官縣被害者與告晉灼曰從官猶從役從軍

也臣瓚曰告休假也師古曰晉說非也從官即上侍從之官也言凡為吏為從官其本縣有被害者皆與休告士卒遣歸

冬上幸長楊射熊館師古曰射音食亦反布車騎大獵十二月

乙酉毀太上皇孝惠皇帝寢廟園 建昭元年春

三月上幸雍祠五時秋八月有白蛾群飛蔽日從

東都門至枳道如淳曰三輔黃圖長安城東面北頭門號曰宣平城門其外郭曰東都門也師古曰蛾成羣若

今之蠶蛾類也音五何反枳音只枳道解在高絕冬河間王元有罪廢遷房陵罷

孝文太后孝昭太后寢園 二年春正月行幸甘泉

郊泰時三月行幸河東祠后土益三河大郡太守

秩戶十二萬為大郡夏四月赦天下六月立皇子

輿為信都王閏月丁酉大皇太后上官氏崩冬十

一月齊楚地震大雨雪師古曰雨音于具反樹折屋壞淮陽王

舅張博魏郡太守京房坐窺道諸侯王以邪意漏

泄省中語師古曰道讀曰導博要斬房棄市三年夏令三

輔都尉大郡都尉秩皆二千石六月甲辰丞相玄

成薨師古曰韋玄成秋使護西域騎都尉甘延壽副校尉陳

湯師古曰言延壽及湯本充西域之使故先言使而後序其官職及姓名橋發戊巳校尉屯田

吏士及西域胡兵攻郅支單于師古曰橋與矯同矯託也實不奉詔詐以上命發兵

故言矯發也戊巳校尉者鎮安西域無常治處亦猶甲乙等各有所方位而戊與巳四季寄王故以名官也時有戊校尉又有巳校尉一說戊巳

位在中央今所置校尉處三十
六國之中故曰戊己也郵音質
冬斬其首傳詣京師縣蠻夷

邛門師古曰縣古懸字也蠻夷邛若今鴻臚客館

四年春正月以誅邛支

單于告祠郊廟赦天下群臣上壽置酒以其圖書

示後宮貴人服虔曰討邛支之圖書也或曰單于土地山川之形書也師古曰或說非夏四月詔

曰朕承先帝之休烈師古曰休美也烈業也夙夜栗栗懼不克

任間者陰陽不調五行失序百姓饑饉惟烝庶之

失業臨遣諫大夫博士賞等二十一人循行天下

師古曰行音下更反存問耆老鰥寡孤獨乏困失職之人舉茂

材特立之士相將九卿其帥意毋怠使朕獲觀教

化之流焉六月甲申中山王音薨藍田地沙石雍

霸水安陵岸崩雍涇水水逆流孟康曰安陵岸惠帝陵旁涇水岸也師古曰雍讀曰

壅

五年春三月詔曰蓋聞明王之治國也明好

惡而定去就崇敬讓而民興行故法設而民不犯

令施而民從今朕獲保宗廟兢兢業業匪敢懈怠

師古曰兢兢慎也業業危也解讀曰懈德薄明晦教化淺微師古曰晦讀與暗同傳不

云虐百姓有過在予一人師古曰論語載躬湯伐桀告天下之文也言君天下者當任其

夏憂責其赦天下賜民爵一級女子百戶牛酒三老孝

弟力田帛又曰方春農桑興百姓勩力自盡之時

也故是月勞農勸民無使後時師古曰勞農謂慰勉之勞音來到反今不

良之吏覆案小罪師古曰覆音方目反徵召證案與不急之事

以妨百姓使失一時之作亡終歲之功公卿其明

察申救之師古曰申重也夏六月庚申復戾園壬申晦

日有蝕之秋七月庚子復太上皇寢廟園原廟文

曰高祖已自有廟在長安城中惠帝更於渭北作廟謂之原廟爾雅曰原者再再作廟也晉灼曰原本也始祖之廟故曰本也師古曰文說是

昭靈后武哀王昭哀后衛思后園師古曰昭靈后高祖母也武哀王高祖兄

也昭哀后高祖姊也竟寧元年應劭曰虜韓邪單于願保塞

衛思后戾太子母也邊竟得以安寧故以冠元也

師古曰據如應說音讀為境古之用字境音實同但此詔云邊垂長無

若依本字而讀春正月匈奴虜韓邪單于來朝詔曰匈奴

奴到支單于背叛禮義既伏其辜虜韓邪單于不
忘恩德鄉慕禮義師古曰鄉讀曰嚮復修朝賀之禮願保塞

傳之無窮邊垂長無兵革之事其改元為竟寧賜

單于待詔掖庭王檣為關氏

應劭曰郡國獻女未銜見須命於掖庭故曰待詔王檣王

氏女名檣字昭君文穎曰本南郡秭歸人也蘇林曰關氏音焉支如漢皇后也師古曰秭音姊

皇太子冠賜列

侯嗣子爵五大夫

師古曰弟九爵

天下為父後者爵一級二

月御史大夫延壽卒

師古曰即繫延壽也繫音蒲河反

三月癸未復

孝惠皇帝寢廟園孝文太后孝昭太后寢園夏封

騎都尉甘延壽為列侯賜副校尉陳湯爵關內侯

黃金百斤夏五月壬辰帝崩于未央宮

臣瓚曰帝年二十七即位即位

十六年壽四十三

毀太上皇孝惠孝景皇帝廟罷孝文孝昭

太后昭靈后武哀王昭哀后寢園秋七月丙戌葬

渭陵

臣瓚曰自崩及葬凡五十五日
渭陵在長安北五十六里也

贊曰臣外祖兄弟為元帝侍中

應劭曰元成帝紀皆班固父彪所作臣則彪自

說也外祖金敞也如淳曰班固外祖樊叔皮也師古曰應說是語臣曰元帝多材藝善史書

應劭曰周宣王太

鼓琴瑟吹洞簫

如淳曰簫之無底者

自度曲被歌

聲

應劭曰自隱度作新曲因持新曲以為歌詩聲也荀悅曰被聲能播樂也呂瓚曰度曲謂歌終更授其次謂之度曲西京賦曰度曲

未終雲起雲飛張衡舞賦亦曰度終復位文受二八分刊節度

蘇林

師古曰應荀二說皆是也度音大各反被音皮義反

窮極幼眇

師古曰幼眇

少而好儒及即位徵用儒生委之以政

貢薛韋卓匡迭為宰相

師古曰貢禹薛廣德韋賢匡衡迭互而為丞相也迭音大結反

而上

牽制文義優游不斷

師古曰為文義所牽制故不斷

孝宣之業衰

焉然寬弘盡下出於恭儉號今溫雅有古之風烈

元紀第九



成帝紀第十

班固

漢書十

祕書監上護軍琅邪縣開國子顏師古注

孝成皇帝

荀悅曰諱鶯字太孫鶯之字曰俊應劭曰諡法安民立政曰成師古曰鶯音五到反

元帝太子

也母曰王皇后元帝在太子宫生甲觀畫堂應

曰甲觀在太子宫甲地主用乳生也畫堂畫九子母如淳曰甲觀觀名畫堂堂名三輔黃圖云太子宫有甲觀師古曰甲者甲乙丙丁之次也

元后傳言見於丙殿此其例也而應氏以為在宮之甲地謬矣畫堂恒畫飾耳豈必九子母乎霍光止畫室中是則宮殿中通有彩畫之堂室

為世嫡皇孫宣帝愛之字曰太孫常置左右年三

歲而宣帝崩元帝即位帝為太子壯好經書寬博

謹慎初居桂宮

師古曰三輔黃圖桂宮在城中近北宮非太子宫

上嘗急召太子

出龍樓門

張晏曰門樓上有銅龍若白鶴飛廉之為名也

不敢絕馳道

應劭曰馳道天子所行道也若今之

中道師古曰
絕橫度也

西至直城門

晉灼曰黃圖西出
南頭第二門也

得絕乃度還入

作室門上遲之間其故以狀對上大說

師古曰說
讀曰悅

乃

著令令太子得絕馳道云

師古曰言云者
此舉著令之文

其後幸酒樂

燕樂

晉灼曰幸酒好酒也樂燕沈讌也師古曰幸酒晉說是也樂燕
樂者論語稱孔子云損者三樂樂驕樂樂逸遊樂燕樂損矣燕

樂燕私之樂也上樂讀如本字又音五孝反下樂
音來各反今流俗本無下樂字後人不曉輒去之

上不以為能而

定陶恭王有材藝母傅昭儀又愛幸上以故常有

意欲以恭王為嗣賴侍中史丹護太子家輔助有

力上亦以先帝尤愛太子故得無廢竟寧元年五

月元帝崩六月己未太子即皇帝位謁高廟尊皇

太后曰太皇太后皇后曰皇太后以元舅侍中衛

尉陽平侯王鳳為大司馬大將軍領尚書事乙未

有司言乘輿車牛馬禽獸皆非禮不宜以葬奏可

七月大赦天下建始元年春正月乙丑皇曾祖

悼考廟災文穎曰宣帝父史皇孫廟立故河間王弟上郡庫令良

為王如淳曰漢官北邊郡庫官之兵器所藏故置令有星孛于營室罷上林詔獄

師古曰漢舊儀云上林詔獄主治苑中禽獸官館車屬水衡二月右將軍長史姚尹等使

匈奴還去塞百餘里暴風火發燒殺尹等七人賜

諸侯王丞相將軍列侯王太后公主王主張晏曰天子子女曰公

主秩比公也王主王之女也師古曰王主則翁主也王自主婚故曰王主吏二千石黃金宗室諸

官吏千石以下至二百石及宗室子有屬籍者三

老孝弟力田鰥寡孤獨錢帛各有差吏民五十戶

牛酒詔曰迺者火災降於祖廟有星孛于東方始

正而虧如淳曰言始即帝之正而有彗星之虧也咎孰大焉師古曰孰有大於此者孰誰也書云

惟先假王正厥事師古曰商書高宗彤日載武丁之臣祖乙之辭也假至也言先古至道之君遭遇災

變則正其行事修德以應之羣公孜孜帥先百寮輔朕不逮師古曰孜孜不

怠之意崇寬大長和睦凡事恕己毋行苛刻師古曰愆音茲愆者仁

也仁己之心以度於物其大赦天下使得自新封舅諸吏光祿大

夫關內侯王崇為安成侯應劭曰百官表諸吏得舉法案劾職如御史中丞武帝初置皆

兼官所加或列侯將軍卿大夫為之無負也賜舅王譚高立根逢時爵關內侯

夏四月黃霧四塞博問公卿大夫無有所諱六月

有青蠅無萬數

師古曰言其極多雖欲以萬數計之而不可得故云無萬數

集未央宮

殿中朝者坐

服虔曰公卿已下朝會坐也晉灼曰內朝臣之朝坐也師古曰朝臣坐之在宮殿中者也服說是矣

坐音才卧反

秋罷上林宮館希御幸者二十五所八月有

兩月相承晨見東方

服虔曰相承在上下也應劭曰案京房九易傳云君弱如婦為陰所乘則兩月出九

月戊子流星光燭地長四五丈委曲蛇形貫紫宮

十二月作長安南北郊罷甘泉汾陰祠是日大風

拔甘泉時中大木十韋以上

師古曰韋與園同

郡國被災什

四以上毋收田租

師古曰什四謂田畝所收十損其四

二年春正月罷

雍五時辛巳上始郊祀長安南郊詔曰迺者徙秦

時后土于南郊北郊朕親飭躬郊祀上帝

師古曰飭整也讀與勅同

皇天報應神光並見三輔長無共張繇役之勞師古

曰共音居用反張音竹亮反謂供具張設他皆類此赦奉郊縣長安長陵應劭曰天

城南地郊在長安城北長陵界中及中都官耐罪徒師古曰

二縣有奉郊之勤故一切並赦之京師諸官府減天下賦錢筭四十孟康曰本筭百二今減四十為八十閏月以渭

城延陵亭部為初陵二月詔三輔內郡舉賢良方

正各一人師古曰內郡謂非邊郡三月北宮井水溢出辛丑上始祠

后土于北郊丙午立皇后許氏師古曰許嘉女罷六廢技巧

官服虔曰倡技巧者也師古曰謂巧藝之技耳非倡樂之技也夏大旱東平王宇有罪削

樊元父縣師古曰樊及元父東平之二縣也元音抗父音甫秋罷太子博望苑穎

曰武帝為衛太子作此苑今受寬各也以賜宗室朝請者師古曰請音才性反減乘輿

廩馬 三年春三月赦天下徒賜孝弟力田爵二

級諸逋租賦所振貸勿收秋關內大水七月虎上

小女陳持弓聞大水至走入橫城門闌入尚方掖

門服虔曰虎音斯應劭曰虎上也名在渭水邊陳姓也持弓名也無符籍妄入宮曰闌掖門者正門之傍小門也如淳曰橫音光三輔

黃圖北面西頭第一門師古曰掖門在兩傍言如人辭掖也至未央宮鉤盾中吏民驚上

城九月詔曰迺者郡國被水災流殺人民多至千

數京師無故訛言大水至師古曰訛偽言吏民驚恐奔走乘

城師古曰乘登也殆苛暴深刻之吏未息元元寃失職者衆

師古曰職常也失其常業遣諫大夫林等循行天下師古曰行音下更反冬十

二月戊申朔日有蝕之夜地震未央宮殿中詔曰

蓋聞天生衆民不能相治爲之立君以統理之君

道得則草木昆蟲咸得其所

師古曰昆衆也昆蟲言衆蟲也又許慎說文云二虫爲

蛇讀與昆同謂蟲之總名兩義並通而鄭康成以昆蟲爲明蟲失之矣虫音許尾反

人君不德謫見天地

師古曰言天地見變所以責之

災異婁發以告不治

師古曰婁古屢字也治音丈吏反

朕涉

道日寡舉錯不中

師古曰中當也音竹仲反

乃戊申日蝕地震朕

甚懼焉公卿各思朕過失明白陳之女無面從

退有後言

師古曰虞書益稷之篇云帝曰予違汝弼汝無面從退有後言謂我有違道汝當正之無得對面則順從唯唯

退後則有誘齎之言也故此詔引之

丞相御史與將軍列侯中二千石及

內郡國舉賢良方正能直言極諫之士詣公車朕

將覽焉越嶲山崩

四年春罷中書宦官

臣瓚曰漢

初中人有中謁者令孝武加中謁者令為中書謁者令置僕射宣帝時
任中書官弘恭為令石顯為僕射元帝即位數年恭死顯代為中書令
專權用事至成帝乃罷其官初置尚書員五人師古曰漢舊儀云尚書四人為四曹常侍尚書主丞相御

史事二千石尚書主刺史二千石事戶曹尚書主庶人上書
事主客尚書主外國事成帝置五人有三公曹主斷獄事 夏四月

雨雪師古曰雨音于具反五月中謁者丞陳臨殺司隸校尉轅

豐於殿中應劭曰豐為長安令治有能名擢拜司隸臨素與豐有怨見其尊顯畏為已害拜訖未出使人刺殺秋

桃李實大水河決東郡金隄師古曰金隄者河隄之名今在滑州界冬十

月御史大夫尹忠以河決不憂職自殺 河平

元年春三月詔曰河決東郡流漂二州師古曰兗州豫州之

地校尉王延世隄塞輒平其改元為河平賜天下吏

民爵各有差夏四月己亥晦日有蝕之既詔曰朕獲

保宗廟戰戰栗栗未能奉稱師古曰謂不副先帝之業傳曰男教

不修陽事不得則日為之蝕天著厥異辜在朕躬

公卿大夫其勉悉心以輔不逮師古曰悉盡也逮及也百寮各

修其職惇任仁人退遠殘賊師古曰惇厚也遠離也遠音于萬反陳朕過

失無有所諱大赦天下六月罷典屬國并大鴻臚

秋九月復太上皇寢廟園二年春正月沛郡鐵

官冶鐵飛語在五行志夏六月封舅譚商立根逢

時皆為列侯三年春二月丙戌犍為地震山崩

師古曰犍音其言反又其連反雍江水水逆流師古曰雍音壅其下皆同秋八月乙卯

晦日有蝕之光祿大夫劉向校中祕書師古曰言中以外謁

者陳農使使求遺書於天下

師古曰言令陳農爲使而使之求遺書也上使音所吏反

下使讀如本字

四年春正月匈奴單于來朝赦天下徒賜

孝弟力田爵二級諸逋租賦所振貸勿收二月單

于罷歸國三月癸丑朔日有蝕之遣光祿大夫博

士嘉等十一人行舉瀕河之郡

師古曰巡行而舉其狀也瀕水厓也瀕河言傍河也

行音下更反瀕音類又音賓傍音步浪反

水所毀傷困乏不能自存者財振

貸

師古曰財與裁同謂量其等差而振貸之

其爲水所流壓死不能自葬令

郡國給椁槨葬埋

師古曰椁槨謂小棺槨音衛槨音讀

已葬者與錢人二

千避水它郡國在所宥食之

文穎曰宥散廩食使生活不占著戶給役使也如厚曰散

著人間給食之官償其直也師古曰文說是也宥音如勇反食讀曰飤

謹遇以文理無令失職

師古曰勿使失其常理舉惇厚有行能直言之士壬申長陵臨涇

岸崩雍涇水夏六月庚戌楚王囂薨山陽火生石

中改元為陽朔 陽朔元年 應劭曰時陰盛陽微故改元曰陽朔欲陽之蘇息也

師古曰應說非也朔始也以火生石中言陽氣之始春二月丁未晦日有蝕之三月

赦天下徒冬京兆尹王章有罪下獄死 二年春

寒詔曰昔在帝堯立羲和之官 應劭曰尚書堯典曰乃命羲和羲氏和氏世掌天地

之官命以四時之事令不失其序故書云黎民於蕃

時雍 應劭曰黎衆也時是也雍和也言衆民於是變化用是大和也 韋昭曰蕃多也師古曰此虞書堯典之辭也今尚書作變而此

紀作蕃兩說並通蕃音扶元反明以陰陽為本也今公卿大夫或不信

陰陽薄而小之 師古曰謂為輕小之事也所奏請多違時政 李奇曰時政月

令傳以不知周行天下

如淳曰在位者皆不知陰陽時政轉轉相因故今後人遂不知也師古曰

如說非也言遞相因循以所不知之事施設教命周遍天下

而欲望陰陽和調豈不謬

哉其務順四時月令三月大赦天下五月除吏八

百石五百石秩

李奇曰除八百就六百除五百就四百

秋關東大水流民

欲入函谷天井壺口五阮關者勿苛留

應劭曰天井在上黨高都

壺口在壺關五阮在代郡如淳曰阮音並

遣諫大夫博士

分行視

師古曰行音下更反

八月甲申定陶王康薨九月奉

使者不稱

師古曰不副上意

詔曰古之立太學將以傳先王

之業流化於天下也儒林之官四海淵原宜皆明

於古今溫故知新通達國體

師古曰溫厚也謂厚積於故事也

故謂之

博士否則學者無述焉為下所輕非所以尊道德

也工欲善其事必先利其器師古曰論語載孔子之言也故此詔引焉丞相

御史其與中二千石二千石雜舉可充博士位者

使卓然可觀師古曰卓然高遠之貌也是歲御史大夫張忠卒師古

曰史不記其月故書之於歲末其下王駿亦同三年春三月壬戌隕石東郡八

夏六月潁川鐵官徒申屠聖等百八十人殺長吏

盜庫兵自稱將軍經歷九郡遣丞相長史御史中

丞逐捕以軍興從事皆伏辜師古曰逐捕之事須有發興皆依軍法秋八

月丁巳大司馬大將軍王鳳薨四年春正月詔

曰夫洪範八政以食為首師古曰洪範尚書篇名箕子為周武王所說洪大也範法也八政一曰食

蓋王政之所先故以為首斯誠家給刑錯之本也師古曰言倉廩不充盈則家家自足人不犯

禁無所用刑也先帝勅農蘇林曰勅音翹精異之意也晉灼曰勅勸勉也薄

其租稅寵其強力師古曰謂優寵力田之人令與孝弟同科師古曰謂每同

薦舉及加賜也間者民彌惰怠鄉本者少趨末者眾將何以

矯之師古曰鄉讀曰嚮矯正也方東作時應劭曰東作耕也師古曰春位在東耕者始作故曰東作虞書堯

典曰平秩東作其令二千石勉勸農桑出入阡陌致勞來之

師古曰阡陌田間道也南北曰阡東西曰陌蓋秦時商鞅所開也勞來勸勉之意也勞音郎到反來音郎代反書不云乎

服田力嗇乃亦有秋應劭曰農夫服田厲其膂力乃有秋收也師古曰此商書盤庚之辭其

勗之哉二月赦天下秋九月壬申東平王宇薨閏

月壬戌御史大夫于永卒師古曰于定國子鴻嘉元年春

二月詔曰朕承天地獲保宗廟明有所蔽德不能

綏刑罰不中衆冤失職趨闕告訴者不絕是以陰

陽錯謬寒暑失序師古曰序次也日月不光百姓蒙辜朕

甚閔焉師古曰蒙被也書不云乎即我御事罔克者壽咎

在厥躬文穎曰此尚書文侯之命篇中辭也言我周家用事者無能有耆老賢者使國危亡罪咎在其用事者也師古曰

咎在厥躬平王自謂故帝引之以自責耳文氏乃云咎在用事斯失之矣方春生長時臨遣諫大

夫理等師古曰天子自臨敕而遣舉三輔三河弘農冤獄公卿大

夫部刺史明申敕守相稱朕意焉其賜天下民爵

一級女子百戶牛酒加賜鰥寡孤獨高年帛逋貸

未入者勿收壬午行幸初陵赦作徒師古曰徒人之以在陵作役者以

新豐戲鄉爲昌陵縣

師古曰戲水之鄉也音許宜反

奉初陵賜百戶

牛酒上始爲微行出

張晏曰於後門出從期門郎及私奴容十餘人白衣組幘單騎出入市里不復

警蹕若微賤之所爲故曰微行

冬黃龍見真定

師古曰本趙國東垣縣也高祖十二年更名真定

二年

春行幸雲陽三月博士行飲酒禮有雉蜚集于庭

歷階升堂而雉

師古曰蜚古飛字也歷階謂以次而登也

後集諸府又集承

明殿

師古曰在未央宮中

詔曰古之選賢傳納以言明試以功

師古曰傳讀曰敷敷陳也令其陳言而省納之乃試以事也

故官無廢事下無逸民

師古

曰逆

教化流行風雨和時百穀用成衆庶樂業咸

以康寧朕承鴻業十有餘年數遭水旱疾疫之災

黎民婁困於飢寒

師古曰婁古屢也

而望禮義之興豈不難

哉朕既無以率道

師古曰道讀曰導

帝王之道日以陵夷

師古曰陵丘陵也夷平也言其積替若丘陵之漸平也又曰陵遲亦言如丘陵之逶遲稍卑下也他皆類此

意廼招賢

選士之路鬱滯而不通與

師古曰與讀曰與

將舉者未得其

人也其舉敦厚有行義能直言者與聞切言嘉謀

匡朕之不逮夏徙郡國豪桀貲五百萬以上五千

戶于昌陵賜丞相御史將軍列侯公主中二千石

冢地第宅

師古曰並於昌陵賜之

六月立中山憲王孫雲客為

廣德王

三年夏四月赦天下令吏民得買爵賈級

千錢

師古曰賈讀曰價

大旱秋八月乙卯孝景廟闕災冬十

一月甲寅皇后許氏廢廣漢男子鄭躬等六十餘

人攻官寺篡囚徒

師古曰逆取曰篡

盜庫兵自稱山君

四年春正月詔曰數敕有司務行寬大而禁苛暴訖今不改一人有辜舉宗拘繫農民失業怨恨者衆

傷害和氣水旱爲災關東流冗者衆

師古曰冗散失其事業也冗音人勇

反青幽冀部尤劇朕甚痛焉未聞在位有惻然者

孰當助朕憂之

師古曰孰誰也

已遣使者循行郡國

師古曰行音下更反

被災害什四以上民貲不滿三萬勿出租賦逋貸

未入皆勿收流民欲入關輒籍內

師古曰錄其名籍而內之

所之

郡國謹遇以理

師古曰之往也

務有以全活之思稱朕意秋

勃海清河河溢被災者振貸之冬廣漢鄭躬等黨

與漢廣

師古曰漢古
浸字浸漸也

犯歷四縣衆且萬人拜河東都

尉趙護爲廣漢太守發郡中及蜀郡合三萬人擊

之或相捕斬除罪

師古曰賊黨相捕斬
而來者赦其本罪

旬月平遷護

爲執金吾賜黃金百斤

永始元年春正月癸丑

太官凌室火

師古曰藏
冰之室

戊午戾后園闕火夏四月

封婕妤趙氏父臨爲成陽侯五月封舅曼子侍中

騎都尉光祿大夫王莽爲新都侯六月丙寅立皇

后趙氏

師古曰趙飛燕也
上所謂婕妤趙氏

大赦天下秋七月詔曰朕

執德不固謀不盡下

師古曰言不
博謀於羣下

過聽將作大匠萬

年

師古曰過誤也
萬年解萬年也

言昌陵三年可成作治五年中陵

司馬殿門內尚未加功

如淳曰陵中有司馬殿門如生時制也且瓚曰天子之藏壙中無司馬殿

門也此謂陵上寢殿及司馬門也時皆未作之故曰尚未加功師古曰中陵陵中正寢也司馬殿門內瓚說是也

天下虛

耗

師古曰耗損也音呼到反百姓罷勞

師古曰罷讀曰疲客土疏惡

服虔曰取他處土以

增高為客土也

終不可成朕惟其難怛然傷心

師古曰惟思也夫過而

不改是謂過矣

師古曰論語載孔子之言故詔引之

其罷昌陵及故陵勿

徙吏民令天下毋有動搖之心立城陽孝王子俚

為王

如淳曰俚音里

八月丁丑太皇太后王氏崩

師古曰宣帝王皇后也

二年春正月己丑大司馬車騎將軍王音薨二月

癸未夜星隕如雨乙酉晦日有蝕之詔曰乃者龍

見于東萊日有蝕之天著變異以顯朕郵

師古曰郵與尤同謂

也過朕甚懼焉公卿申救百寮深思天誠有可省減

便安百姓者條奏所振貸貧民勿收又曰關東比

歲不登師古曰比類也吏民以義收食貧民入穀物助縣

官振贍者已賜直如淳曰賜之爵復租賦以為直師古曰此說非也收食貧人謂收取而養食之助縣

官振贍謂出物以助郡縣之官也已賜直謂官賜其所費直也今方更加爵及免賦耳食讀曰飲其百萬以上

加賜爵右更師古曰第十四爵也更音五行反欲為吏補三百石其吏

也遷二等師古曰先已為吏則遷二等三十萬以上賜爵五大夫

師古曰第九爵也吏亦遷二等民補郎十萬以上家無出租

賦三歲萬錢以上一年冬十一月行幸雍祠五時

十二月詔曰前將作大匠萬年知昌陵卑下不可

為萬歲居奏請營作建置郭邑妄為巧詐積土增

高多賦斂繇役興卒暴之作

師古曰卒讀曰猝謂急也

卒徒蒙辜

死者連屬

師古曰屬音之欲反

百姓罷極天下匱竭

師古曰罷讀曰疲匱空也

竭盡也

常侍閔前為大司農中丞數奏昌陵不可成

師古曰閔王闕也

侍中衛尉長數白宜早止徙家反故處

師古

曰長淳于長也

朕以長言下閔章

如淳曰以衛尉長數白罷故因下閔請奏罷作之章師古曰下音胡穆反

公卿議者皆合長計首建至策閔典主省大費

師古

曰司農中丞主錢穀顧庸故云典主

民以康寧閔前賜爵關內侯黃金百

斤其賜長爵關內侯食邑千戶閔五百戶萬年佞

邪不忠毒流衆庶海內怨望至今不息雖蒙赦令

不宜居京師其徙萬年敦煌郡是歲御史大夫王

駿卒

師古曰王吉之子也

三年春正月己卯晦日有蝕之詔

曰天災仍重朕甚懼焉

師古曰仍頻也重音直用反

惟民之失職

師古

曰失其常業也

臨遣太中大夫嘉等循行天下

師古曰行音下更反

存問

者老民所疾苦其與部刺史舉惇樸遜讓有行義

者各一人冬十月庚辰皇太后詔有司復甘泉泰

畤汾陰后土雍五畤陳倉陳寶祠

師古曰陳寶祠在陳倉

語在

郊祀志十一月尉氏男子樊並等十三人謀反

師古

曰尉氏陳留之縣

殺陳留太守劫略吏民自稱將軍徒李譚

等五人共格殺並等皆封為列侯十二月山陽鐵

官徒蘇令等二百二十八人攻殺長吏盜庫兵自

稱將軍經郡國十九殺東郡太守汝南都尉遣丞

相長史御史中丞持節督趣逐捕師古曰趣讀曰促汝南太守嚴

訢捕斬令等師古曰訢與欣同令即蘇令遷訢為大司農賜黃金百

斤 四年春正月行幸甘泉郊泰時神光降集紫

殿大赦天下賜雲陽吏民爵女子百戶牛酒鰥寡

孤獨高年帛三月行幸河東祠后土賜吏民如雲

陽行所過無出田租夏四月癸未長樂臨華殿未

央宮東司馬門皆災師古曰東面之司馬門也六月甲午霸陵園

門闕災出杜陵諸未嘗御者歸家詔曰迺者地震

京師火災婁降

師古曰婁古屢字

朕甚懼之有司其悉心明

對厥咎

師古曰悉盡也

朕將親覽焉又曰聖王明禮制以

序尊卑異車服以章有德雖有其財而無其尊不

得踰制故民興行

師古曰行音下更反

上義而下利

師古曰以義為上以利為

下方今世俗奢僭罔極

師古曰罔無也極中也一曰止也

靡有厭足公

卿列侯親屬近臣四方所則

師古曰則法也

未聞脩身遵禮

同心憂國者也或迺奢侈逸豫務廣第宅治園池

多畜奴婢被服綺縠

師古曰被及音皮義反

設鐘鼓備女樂車服

嫁娶葬埋過制吏民慕效浸以成俗

師古曰浸漸也

而欲望

百姓儉節家給人足豈不難哉詩不云乎赫赫師

尹民具爾瞻

師古曰小雅節南山之詩也赫赫威類也師尹尹氏爲太師之官也言居位甚高備爲衆庶所瞻仰

其申敕有司以漸禁之

師古曰謂約束也

青綠民所常服且

勿止

師古曰然則禁紅紫之屬

列侯近臣各自省改

師古曰省視也視而改之論語稱曾

子曰吾日三省吾身

司隸校尉察不變者秋七月辛未晦日有

蝕之

元延元年春正月己亥朔日有蝕之三月

行幸雍祠五時夏四月丁酉無雲有雷聲光耀耀

四面下至地昏止赦天下秋七月有星孛于東井

詔曰迺者日蝕星隕謫見于天大異重仍

師古曰仍頻也重音

直用反

在位默然罕有忠言今孛星見于東井朕甚

懼焉公卿大夫博士議郎其各悉心惟思變意明

以經對無有所諱與內郡國舉方正能直言極諫

者各一人師古曰今公卿與內郡國各舉一人北邊二十二郡舉勇猛知

兵法者各一人封蕭相國後喜為鄼侯冬十二月

辛亥大司馬大將軍王商薨是歲昭儀趙氏害後

宮皇子師古曰趙飛燕之姝二年春正月行幸甘泉郊泰畤

三月行幸河東祠后土夏四月立廣陵孝王子宇

為王冬行幸長楊宮從胡客大校獵如淳曰合軍聚衆有

人掌王田獵之馬故謂之校獵師古曰如說非也此校謂以木自相貫

穿為闌校耳校人職云六廐成校是則以遮闌為義也校獵者大為闌

校以遮禽獸而獵取也軍之幡旗宿萑陽宮師古曰萑音倍賜從官

三年春正月丙寅蜀郡岷山崩師古曰岷音武中反雍江三

日江水竭二月封侍中衛尉淳于長爲定陵侯三
月行幸雍祠五時 四年春正月行幸甘泉郊泰

時二月罷司隸校尉官三月行幸河東祠后土甘

露降京師賜長安民牛酒 綏和元年春正月大

赦天下二月癸丑詔曰朕承太祖鴻業奉宗廟二

十五年德不能綏理宇內百姓怨恨者衆不蒙天

祐至今未有繼嗣天下無所係心觀于往古近事

之戒禍亂之萌皆由斯焉師古曰始生曰萌定陶王欣於朕爲

子慈仁孝順可以承天序繼祭祀其立欣爲皇太

子封中山王舅諫大夫馮參爲宜鄉侯益中山國

三萬戶以慰其意

師古曰以不得繼統為帝之後恐其怨恨

賜諸侯王列侯

金天下當為父後者爵三老孝弟力田帛各有差

又曰蓋聞王者必存二王之後所以通三統也

師古

曰天地人是為三統二王之後并已為三

昔成湯受命列為三代

師古曰夏殷周是為三代

祭祀廢絕考求其後莫正孔吉

臣瓚曰無若孔吉最正也

其封吉

為殷紹嘉侯三月進爵為公及周承休侯皆為公

地各百里行幸雍祠五時夏四月以大司馬票騎

大將軍為大司馬

文穎曰王根也

罷將軍官御史大夫為

大司空封為列侯益大司馬大司空奉如丞相

如

曰律丞相大司馬大將軍奉錢月六萬御史大夫奉月四萬也

秋八月庚戌中山王興薨

冬十一月立楚孝王孫景為定陶王定陵侯淳于

長大逆不道下獄死廷尉孔光使持節賜貴人許

氏藥飲藥死師古曰即前所廢皇后許氏也十二月罷部刺史更置州

牧秩二千石二年春正月行幸甘泉郊泰畤二

月壬子丞相翟方進薨三月行幸河東祀后土丙

戌帝崩于未央宮臣瓚曰帝年二十即位即位二十六年壽四十五師古曰即位明年乃改元耳壽四十六

皇太后詔有司復長安南北郊四月己卯葬延陵

臣瓚曰自崩至葬凡五十四日延陵在扶風去長安六十二里贊曰臣之姑充後宮為婕

妤晉灼曰班婕妤之姑也父子昆弟侍帷幄數為臣言成帝善修

容儀升車正立不內顧不疾言不親指師古曰不內顧者謂儼然

端嚴不迴眇也不疾言者為輕肆也不親指者為惑下也此三句者本論語鄉黨篇述孔子之事故班氏引之以美成帝今論語云車中不內顧不疾言不親指內顧者說者以為前視不過衡軛旁視不過轆較與此不同轆音於綺反

臨朝淵嘿尊嚴

若神可謂穆穆天子之容者矣

師古曰禮記云天子穆穆諸侯皇皇大夫濟濟士蹠

蹠故此贊引之

博覽古今容受直辭公卿稱職奏議可述

師古

曰稱職克當其任也可述言有文采

遭世承平上下和睦然湛于酒色

師古

曰湛讀

趙氏亂內外家擅朝三足可為於邑

師古曰於邑短氣貌

讀如本字又於音烏邑又音烏合反他皆類此

建始以來王氏始執國命哀平短

祚莽遂篡位蓋其威福所由來者漸矣

成紀第十

哀紀第十一

班固

漢書十一

秘書監上護軍琅邪縣開國子顏師古注

孝哀皇帝

荀悅曰諱欣之字曰喜應劭曰恭仁短折曰哀

元帝庶孫定陶恭王

子也母曰丁姬年三歲嗣立為王長好文辭法律

師古曰年長而好之

元延四年入朝盡從傅相中尉

師古曰三官時皆從王入朝

成帝少弟中山孝王亦來朝獨從傅上怪之以問

定陶王對曰令諸侯王朝得從其國二千石傅相

中尉皆國二千石故盡從之上令誦詩通習能說

師古曰說其義

他日問中山王獨從傅在何法令不能對令

誦尚書又廢

師古曰中志之

及賜食於前後飽起下鞮係解

師古曰食而獨在後飽及起又
韞係解也韞音武伐反

成帝由此以為不能而賢定

陶王數稱其材時王祖母傅太后隨王來朝私賂

遺上所幸趙昭儀及帝舅票騎將軍曲陽侯王根

昭儀及根見上亡子亦欲豫自結為長久計皆更

稱定陶王

師古曰更
音工衡反

勸帝以為嗣成帝亦自美其材

為加元服而遣之

師古曰
為之冠

時年十七矣明年使執金

吾任宏守大鴻臚持節徵定陶王立為皇太子謝

曰臣幸得繼父守藩為諸侯王材質不足以假充

太子之宮

師古曰謙不敢言為太子
子故云假充若言非正

陛下聖德寬仁敬承

祖宗奉順神祇宜蒙福祐子孫千億之報

師古曰大
雅假樂之

詩曰千祿百福子孫千億言成王宜衆宜人天所保佑求
得福祿故子孫衆多也十萬曰億故此謝書引以爲言臣願且

得留國邸旦夕奉問起居俟有聖嗣歸國守藩書

奏天子報聞後月餘立楚孝王孫景爲定陶王奉

恭王祀所以獎勵太子專爲後之誼師古曰獎
勸使也語在

外戚傳綏和二年三月成帝崩四月丙午太子即

皇帝位謁高廟尊皇太后曰太皇太后皇后曰皇

太后大赦天下賜宗室王子有屬者馬各一四師
馬古

曰有屬謂親未
盡尚有服者吏民爵百戶牛酒三老孝弟力田鰥寡

孤獨帛太皇太后詔尊定陶恭王爲恭皇五月丙

戌立皇后傅氏師古曰
傅晏女詔曰春秋母以子貴尊定

陶太后曰恭皇太后丁姬曰恭皇后各置左右詹

事食品如長信宮中宮

應劭曰成帝母王太后居長信宮李奇曰傳姬如長信丁姬如中宮也師

古曰中宮皇后之宮

追尊傅父為宗祖侯丁父為襄德侯

師古曰傅父

丁父丁太后之父

封舅丁明為陽安侯舅子滿為平周侯追謚

滿父忠為平周懷侯皇后父晏為孔鄉侯皇太后弟

侍中光祿大夫趙欽為新成侯六月詔曰鄭聲淫而

亂樂

師古曰鄭國有溱洧之水男女巫於其間聚會故俗亂而樂淫

聖王所放

師古曰放棄也論語稱孔子曰放鄭聲

其罷樂府曲陽侯根前以大司馬建社稷策益封

二千戶

師古曰王根也建議立哀帝為太子

太僕安陽侯舜輔導有舊

恩益封五百戶

師古曰王舜

及丞相孔光大司空汜鄉侯

何武益封各千戶

師古曰
汜音凡

詔曰河間王良喪太后三

年為宗室儀表

師古曰儀表者言
為禮儀之表率

益封萬戶又曰制

節謹度以防奢淫為政所先百王不易之道也

師古

曰言為常法
不可改易

諸侯王列侯公主吏二千石及豪富民

多畜奴婢田宅之限與民爭利百姓失職重困不

足

師古曰失職失其常
分也重音直用反

其議限列

師古曰今條
列而為限禁

有司條奏

王列侯得名田國中列侯在長安及公主名田縣

道關內侯吏民名田皆無得過三十頃

如淳曰名田國
中者自其所食

國中也既收其租稅又自得私田三十頃名田縣道者令甲諸侯在
國名田他縣罰金二兩今列侯有不之國者雖遙食其國租稅復自得

田於他縣道公主亦
如之不得過三十頃

諸侯王奴婢二百人列侯公主百

人關內侯吏民三十人年六十以上十歲以下不

在數中賈人皆不得名田為吏如淳曰市井子孫不犯

者以律論諸名田畜奴婢過品皆沒入縣官齊三

服官諸官織綺繡難成害女紅之物皆止無作輸

如淳曰紅亦工也其所作已成未成皆止無復作皆輸所近除任子

令及誹謗詆欺法應劭曰任子令者漢儀注吏二千石以上視

選故除之師古曰任者保也詆誣也音丁禮反掖庭宮人年三十以下出嫁之官

奴婢五十以上免為庶人禁郡國無得獻名獸益

吏三百石以下奉師古曰奉音扶用反察吏殘賊酷虐者以時

退有司無得舉赦前往事博士弟子父母死子寧

三年

師古曰寧謂處家持喪服

秋曲陽侯王根成都侯王況皆有

罪根就國況免為庶人歸故郡詔曰朕承宗廟之

重戰戰兢兢懼失天心間者日月亡光五星失行

郡國比比地動

師古曰比比猶言頻頻也

廼者河南潁川郡水出

流殺人民壞敗廬舍朕之不德民反蒙辜朕甚懼

焉已遣光祿大夫循行舉籍

師古曰舉其名籍也行音下更反

賜死者

棺錢人三千

師古曰賜錢三千以充棺

其令水所傷縣邑及他郡

國災害什四以上民貲不滿十萬皆無出今年租

賦

師古曰什四謂十分損四

建平元年春正月赦天下侍中騎

都尉新成侯趙欽成陽侯趙訢皆有罪免為庶人

師古曰訢欽皆趙昭儀之兄徙遼西太皇太后詔外家王氏田非冢

塋皆以賦貧民師古曰塋冢域也二月詔曰蓋聞聖王

之治以得賢為首其與大司馬列侯將軍中二千

石州牧守相舉孝弟醇厚能直言通政事延于側

陋可親民者各一人師古曰言有孝弟醇厚直言通政事之人雖在側陋可延致而任者皆今舉之

三月賜諸侯王公主列侯丞相將軍中二千石中

都官郎吏金錢帛各有差冬中山王太后媛師古曰馮奉世

之女也弟宜鄉侯馮參有罪皆自殺二年春三月

罷大司空復御史大夫師古曰復音扶夏四月詔曰漢

家之制推親親以顯尊尊師古曰天子之至親當極尊號定陶恭皇

之號不宜復稱定陶尊恭皇太后曰帝 太后稱

永信宮恭皇后曰帝太后稱中安宮立恭皇廟于

京師赦天下徒罷州牧復刺史六月庚申帝太后

丁氏崩上曰朕聞夫婦一體詩云穀則異室死則

同穴師古曰詩王風大車之篇也穀生也穴冢壙也昔季武子成寢杜氏之殯

在西階下請合葬而許之師古曰季武子魯大夫季孫宿也成寢新爲寢室也事見禮記

檀引附葬之禮自周興焉師古曰禮記稱孔子曰合葬非古也自周公以來未之有改也郁

郁乎文哉吾從周師古曰論語稱孔子曰周監於二代郁郁乎文哉吾從周言周觀視夏殷之禮而損益之

典文大備五從周禮也郁郁文章貌孝子事亡如事存帝太后宜起陵恭

皇之園遂葬定陶發陳留濟陰近郡國五萬人穿

復土

師古曰為冢壙也復音扶目反

待詔夏賀良等言赤精子之讖

應劭

曰諸以林技徵召未有正官故曰待詔夏姓也賀良名也高祖感赤龍而生自謂赤帝之精良等因是作此讖文

漢家歷

運中衰當再受命宜改元易號詔曰漢興二百載

歷數開元皇天降非材之佑

應劭曰哀帝自言不才天降之佑

漢國再

獲受命之符朕之不德曷敢不通夫基事之元命

必與天下自新

師古曰基始也元大也始為大事之命謂改制度也又曰更受天之大命

其大赦

天下以建平二年為太初元年號曰陳聖劉太平

皇帝

李斐曰陳道也言得神道聖者劉也如淳曰陳舜後王莽陳之後謬語以明莽當篡立而不知韋昭曰數陳聖劉之德也師古

曰如韋二

漏刻以百二十為度

師古曰舊漏晝夜共百刻今增其二十此本齊人甘忠可

所造今賀良等重言遂

七月以渭城西北原上永陵亭

施行之事見李尋傳

部爲初陵勿徙郡國民使得自安八月詔曰待詔

夏賀良等建言改元易號增益漏刻可以永安國

家朕過聽賀良等言師古曰過誤也冀爲海內獲福卒亡

嘉應皆違經背古不合時宜六月甲子制書非赦

令也皆蠲除之如淳曰悔前赦令不蒙其福故收令還之臣瓚曰改元易號大赦天下以求延祚而不蒙福哀

帝悔之故更下制書諸非赦罪事皆除之謂改制易號令皆復故也師古曰如釋非也瓚說是矣非赦令也猶言自非赦令耳也語終辭也而

讀者不曉輒改也爲他字失本文也賀良等反道惑衆下有司皆伏辜丞

相博御史大夫玄孔鄉侯晏有罪師古曰博朱博玄趙玄晏傳晏博

自殺玄減死二等論晏削戶四分之一語在博傳

三年春正月立廣德夷王弟廣漢爲廣平王癸卯

帝太太后所居桂宮正殿火三月己酉丞相當薨

師古曰平當有星孛于河鼓夏六月立魯頃王子郿鄉侯

閔為王蘇林曰郿音魚縣名也屬東海師古曰又音吾冬十一月壬子復甘泉

泰時汾陰后土祠罷南北郊東平王雲雲后謁安

成恭侯夫人放文穎曰恭侯王崇王太后弟皆有罪雲自殺謁放

弃市四年春大旱關東民傳行西王母籌師古曰西王母

元后壽考之象行籌又言經歷郡國西入關至京師民

又會聚祠西王母或夜持火上屋李奇曰皆陰為陽之象擊鼓

號呼相驚恐師古曰呼音火故反二月封帝太太后從弟侍中

傅商為汝昌侯太后同母弟子侍中鄭業為陽信

侯三月侍中駙馬都尉董賢光祿大夫息夫躬南

陽太守孫寵皆以告東平王封列侯語在賢傳夏

五月賜中二千石至六百石及天下男子爵六月

尊帝太太后爲皇太太后秋八月恭皇園北門災

冬詔將軍中二千石舉明兵法有大慮者師古曰慮謂策謀思

慮元壽元年春正月辛丑朔日有蝕之詔曰朕獲

保宗廟不明不敏宿夜憂勞未皇寧息師古曰皇暇也惟

陰陽不調元元不贍師古曰贍足也未睹厥咎婁敕公卿

庶幾有望師古曰望其厲精爲治婁古屢字至今有司執法未得其中

師古曰中音竹仲反或上暴虐假執獲名溫良寬柔陷於亡滅

是故殘賊彌長和睦日衰百姓愁怨靡所錯躬師古

曰錯置也音千故反迺正月朔日有蝕之歟咎不遠在余一人

公卿大夫其各悉心勉帥百寮師古曰悉盡也寮官也敦任仁

人黜遠殘賊師古曰敦厚也遠音于萬反期於安民陳朕之過失

無有所諱其與將軍列侯中二千石舉賢良方正

能直言者各一人大赦天下丁巳皇太后后傅氏

崩三月丞相嘉有罪下獄死師古曰王嘉秋九月大司馬

票騎將軍丁明免孝元廟殿門銅龜蛇鋪首鳴如淳

曰門鋪首作龜蛇之形而鳴呼也師古曰門之鋪首所以銜環者也鋪音普胡反二年春正月

匈奴單于烏孫大昆彌來朝二月歸國單于不

說師古曰說讀曰悅

語在匈奴傳夏四月壬辰晦日有

蝕之五月正三公宮分職大司馬衛將軍董賢

為大司馬丞相孔光為大司徒御史大夫彭宣

為大司空封長平侯正司直司隸造司寇職師古

曰司直司隸漢舊有之但改正其職掌而司寇舊自無今特創置故云造也

事未定六月戊午帝崩

于未央宮

臣瓚曰帝年二十即位即位六年壽二十五師古曰即位明年乃改元壽二十六

秋九月壬

寅葬義陵

臣瓚曰自崩至葬凡百五日義陵在扶風去長安四十六里

贊曰孝哀自為藩王及充太子之宮文辭博敏幼

有令聞

師古曰博廣也敏疾也令善也聞名也

睹孝成世祿去王室權柄

外移是故臨朝婁誅大臣欲彊主威以則武宣師古

曰則雅性不好聲色時覽卞射武戲應劭曰卞射皮卞而射也蘇林曰手

搏爲卞角力爲武戲也晉灼曰甘延壽傳試卞爲期門師古曰蘇晉二說是即位痿痺蘇林曰痿音萎枯之萎如淳曰

痿音踴踳弩病兩足不能相過曰痿師古曰痿亦痺病也音人佳反痺音必麻反踴踳者弩名事見晉令踴音煩踳音難

劇師古曰鄉食國不永哀哉師古曰末年滯永長也

哀紀第十一

平紀第十二

班固

漢書十一

祕書監上護軍琅邪縣開國子顏師古注

孝平皇帝

荀悅曰諱衍之字曰樂應劭曰布綱治紀曰平師古曰衍音口旱反

元帝庶孫中山

孝王子也母曰衛姬年三歲嗣立為王元壽二年

六月哀帝崩太皇太后詔曰大司馬賢年少不合

衆心

師古曰董賢

其上印綬罷賢即日自殺新都侯王莽

為大司馬領尚書事秋七月遣車騎將軍王舜大

鴻臚左咸使持節迎中山王

師古曰為使而持節也使音所吏反

辛卯貶

皇太后趙氏為孝成皇后退居北宮哀帝皇后傅

氏退居桂宮

師古曰北宮及桂宮皆在城中而非未央宮中也

孔鄉侯傅晏少

府董恭等皆免官爵徙合浦師古曰恭董賢之父九月辛酉中

山王即皇帝位謁高廟大赦天下帝年九歲太皇

太后臨朝大司馬莽秉政百官總己以聽於莽師古曰

曰聚束曰總音摠詔曰夫赦令者將與天下更始誠欲令百

姓改行絜己全其性命也往者有司多舉奏赦前

事累增罪過誅陷亡辜殆非重信慎刑洒心自新

之意也師古曰洒滌也音先禮反及選舉者其歷職更事有名之

士則以為難保師古曰更經也難保者言已嘗有罪過不可保也更音工衡反廢而弗

舉甚謬於赦小過舉賢材之義師古曰論語云仲弓問政孔子對曰赦小過舉

賢材故此諸有臧及內惡未發而薦舉者勿案驗詔引之

師古曰有減謂以臧貨致罪

令士厲精鄉進

師古曰鄉讀曰嚮

不以小疵妨

大材

師古曰疵病也

自今以來有司無得陳赦前事置奏

上

師古曰置立也置奏上謂立文奏而上陳也上音時掌反

有不如詔書爲虧恩以不

道論定著今布告天下使明知之

元始元年春

正月越裳氏重譯獻白雉一黑雉二

師古曰越裳南方遠國也譯謂傳言

也道路絕遠風俗殊隔故累譯而後通

詔使三公以薦宗廟群臣奏言大

司馬恭功德比周公賜號安漢公及太師孔光等

皆益封語在恭傳賜天下民爵一級吏在位二百

石以上一切滿秩如真

如淳曰諸官吏初除皆試守一歲酒爲真食全奉平帝即位故賜真師古

曰此說非也時諸官有試守者特加非常之恩令如真耳非凡除吏皆當試守也一切者權時之事非經常也猶如以刀切物苟取整齊不顧

長短縱橫故言一切他皆放此

立故東平王雲太子開明為王故桃鄉

頃侯子成都為中山王封宣帝耳孫信等三十六

人皆為列侯太僕王惲等二十五人

師古曰惲音於吻反

前議

定陶傅太后尊號守經法不阿指從邪右將軍孫

建爪牙大臣大鴻臚咸前正議不阿

師古曰左咸

後奉節

使迎中山王

師古曰謂奉持節而為使

及宗正劉不惡執金吾任

岑中郎將孔永尚書令姚恂沛郡太守石詡

師古

曰岑音士林反恂音荀詡音况羽反

皆以前與建策東迎即位

師古曰帝本在中山出關而迎

故曰東迎與讀曰豫

奉事周密勤勞賜爵關內侯食邑各有差

賜帝徵即位所過縣邑吏二千石以下至佐史爵

各有差又令諸侯王公列侯關內侯亡子而有孫

若子同產子者皆得以為嗣師古曰子同產子者謂公嗣養昆弟之子為子者公

列侯嗣子有罪耐以上先請宗室屬未盡而以罪

絕者復其屬師古曰復音扶目反其為吏舉廉佐史補四百石

如淳曰宗室為吏及舉廉及佐史皆補四百石師古曰此說非也言宗室為吏者皆令舉廉各從本秩而依廉吏遷之為佐史者例補四百

石天下吏比二千石以上年老致仕者參分故祿

以一與之終其身師古曰參三也遣諫大夫行三輔師古曰行音下更反

舉籍吏民張晏曰舉錄賦斂之籍而償之以元壽二年倉卒時橫賦斂

者償其直師古曰卒讀曰粹橫音胡孟反義陵民冢不妨殿中者勿發

如淳曰陵上有宮牆象生制度為殿屋故曰殿中師古曰此說非也殿中謂壙中象正殿處天下吏民亡得

置什器儲待

師古曰軍法五人爲伍二伍爲什則共其器物故通謂生生之具爲什器亦猶今之從軍及作役者

十人爲火共畜調度也儲積也侍具也侍音丈紀反

二月置羲和官秩二千石外史

閭師秩六百石

應劭曰周禮閭師掌四郊之民時其徵賦也

班教化禁淫祀

放鄭聲乙未義陵寢神衣在柙中丙申旦衣在外

牀上

文穎曰哀帝陵也衣在寢中今自出在牀上師古曰柙置也音狎

寢令以急變聞

師古曰非常之

事故云急變

用太牢祠夏五月丁巳朔日有蝕之大赦天

下公卿將軍中二千石舉敦厚能直言者各一人

六月使少府左將軍豐

師古曰豐

賜帝母中山孝王姬

璽書拜爲中山孝王后賜帝舅衛寶寶弟立爵

關內侯賜帝女弟四人號皆曰君食邑各二千戶封

周公後公孫相如爲襄魯侯孔子後孔均爲襄成侯
奉其祀追謚孔子曰褒成宣尼公罷明光宮及三

輔馳道天下女徒已論歸家顧山錢月三百

如淳

曰已論者罪已定也今甲女子犯罪作如徒六月顧山遣歸說以爲當於山伐木聽使入錢顧功直故謂之顧山應劭曰舊刑鬼薪取薪於山以給宗廟今使女徒出錢顧薪故曰顧山也師古曰如說近之謂女徒論罪已定並放歸家不親役之但令一月出錢三百以顧人也爲此恩者所以行太皇太后之德施惠政於婦人復貞婦鄉一人師古曰復音方目反置

少府海丞果丞各一人

師古曰海丞主海稅也果丞掌諸果實也

大司農部

丞十三人人部一州勸農桑太皇太后省所食湯

沐邑十縣屬大司農常別計其租入以贍貧民秋

九月赦天下徒以中山苦陘縣爲中山孝王后湯

沐邑

師古曰
陰音形

二年春黃支國獻犀牛

應劭曰黃支在日
南之南去京師三

萬里師古曰犀狀如水牛頭似猪而四足
類象黑色一角當額前鼻上又有小角

詔曰皇帝二名通于

器物

孟康曰平帝本名箕子更名曰
衍箕用器也故云通于器物

今更名合於古制

師古

曰更
改也

使太師光奉太牢告祠高廟夏四月立代孝

王立孫之子如意為廣宗王江都易王孫盱台侯

宮為廣川王

師古曰盱音許
于反台音怡

廣川惠王曾孫倫為廣

德王封故大司馬博陸侯霍光從父昆弟曾孫陽

宣平侯張敖立孫慶忌絳侯周勃立孫共舞陽侯

樊噲立孫之子章皆為列侯復爵

師古曰共讀曰
恭復音扶福反

賜

故曲周侯酈商等後立孫酈明友等百一十三

人爵關內侯食邑各有差郡國大旱蝗青州尤

甚民流亡安漢公四輔三公卿大夫吏民爲百

姓困乏獻其田宅者二百三十人

張晏曰王莽爲太傅孔光爲太師王

舜爲太保甄豐爲少傅是爲四輔莽復兼大司馬馬宮爲司徒王宗爲司空是爲三公

以口賦貧民

師古曰計口而

給其田宅

遣使者捕蝗民捕蝗詣吏以石斛受錢

師古曰量蝗多

少而賞錢

天下民貲不滿二萬及被災之郡不滿十萬

勿租稅民疾疫者舍空邸第爲置醫藥

師古曰舍止也

賜死

者一家六尸以上葬錢五千四尸以上三千二尸

以上二千罷安定呼池苑以爲安民縣

師古曰中山之安定也池

音大河反

起官寺市里募徙貧民縣次給食至徙所賜

平歲一人

李奇曰吏治獄平端也

三年春詔有司為皇帝納

采安漢公莽女

師古曰婚禮有納采問名之禮謂采擇其可娶者

語在莽傳又

詔光祿大夫劉歆等雜定婚禮四輔公卿大夫博

士郎吏家屬皆以禮娶親迎立輶併馬

服虔曰輶音謠立乘小車

也併馬驪駕也師古曰新定此制也併音步昌鼎反

夏安漢公奏車服制度吏民養

生送終嫁娶奴婢田宅器械之品立官稷及學官

如淳曰郊祀志曰已有官社未有官稷遂立官稷於官社之後臣瓚曰漢初除秦社稷立漢社稷其後又立官社配以夏禹而不立官稷至此始立官稷光武之後但有官社不立官稷師古曰淳瓚二說皆未盡也初立官稷於官社之後是為一處今更創置建於別所不相從也郡

國曰學縣道邑侯國曰校校學置經師一人鄉曰

庠聚曰序

張晏曰聚邑落名也師古曰聚小於鄉聚音才喻反

序庠置孝經師一

人陽陵任橫等自稱將軍盜庫兵攻官寺出囚徒
大司徒掾督逐皆伏辜安漢公世子宇與帝外家
衛氏有謀宇下獄死誅衛氏。四年春正月郊祀

高祖以配天宗祀孝文以配上帝改殷紹嘉公曰

宋公周承休公曰鄭公詔曰蓋夫婦正則父子親

人倫定矣前詔有司復貞婦歸女徒師古曰復音方目反誠欲

以防邪辟師古曰辟讀曰僻全貞信及眊悼之人師古曰八十曰眊七年曰悼眊

者老稱言其昏暗也悼者未成爲人於其死亡可哀悼也眊音莫報反刑罰所不加聖王之所

制也惟苛暴吏多拘繫犯法者親屬婦女老弱搆

怨傷化百姓苦之師古曰搆搆結也其明敕百僚婦女非身犯

法及男子年八十以上七歲以下家非坐不道詔

所名捕它皆無得繫

張晏曰名捕謂下詔特所捕也

其當驗者即驗

問

師古曰就其所居而問

定著令二月丁未立皇后王氏大赦

天下遣太僕王暉等八人置副假節分行天下覽

觀風俗

師古曰行音下更反

賜九卿已下至六百石宗室有屬

籍者爵自五大夫已上各有差

師古曰五大夫第九爵

賜天下

民爵一級鰥寡孤獨高年帛夏皇后見于高廟加

安漢公號曰宰衡

應劭曰周公爲太宰伊尹爲阿衡采伊周之尊以加莽

賜公大夫

人號曰功顯君封公子安臨皆爲列侯安漢公奏

立明堂辟廡

應劭曰明堂所以正四時出教化明堂上圜下方八窻四達布政之宮在國之陽上八窻法八風四

達法四時九室法九州十二重法十二月三十六戶法三十六旬七十二
二瀾法七十二候孝經曰宗祀文王於明堂以配上帝上帝謂五時帝
太昊之屬黃帝曰合宮有虞曰總章殷曰陽館周
曰明堂辟雍者象辟園雍之以水象教化流行 尊孝宣廟為

中宗孝元廟為高宗天子世世獻祭冬置西海郡

徙天下犯禁者處之梁王立有罪自殺分京師置

前輝光後丞烈二郡更公卿大夫八十一元士官

名位次師古曰更改也及十二州名分界郡國所屬罷置改

易天下多事吏不能紀冬大風吹長安城東門屋

瓦且盡 五年春正月禘祭明堂應劭曰禮五年而再殷祭壹禘壹禘禘祭

者毀廟與未毀廟之主皆合食於太祖師古曰禘音洽諸侯王二十八人列侯百二

十人宗室子九百餘人徵助祭師古曰禮畢皆益戶徵召也

賜爵及金帛增秩補吏各有差詔曰蓋聞帝王以

德撫民其次親親以相及也昔堯睦九族舜惇敘

之師古曰虞書堯典云昔在帝堯克明峻德以親九族九族既睦平章百姓咎繇謩曰惇叙九族庶民厲翼言堯能明峻德之士而任用之

以睦高祖玄孫之親迺令百姓平和章明舜又厚敘此親使衆庶皆明其教而自勉勵翼戴上命也故此詔引之 朕以皇帝

幼年且統國政師古曰朕者太皇太后自稱也惟宗室子皆太祖高

皇帝子孫及兄弟吳頃楚元之後師古曰吳頃謂高帝之兄仲也初爲代王

後廢爲合陽侯而子濞封爲吳王故追論仲爲吳頃王頃讀曰傾漢元至今十有餘萬人雖

有王侯之屬莫能相糾師古曰糾謂禁察也或陷入刑罪教訓

不至之咎也傳不云乎君子篤於親則民興於仁

師古曰此論語載孔子之辭也言上能厚於親屬則下皆化之起爲仁行也以論語傳聖人之言故謂之傳他皆類此其爲宗室

自太上皇以來族親各以世氏郡國置宗師以糾之致教訓焉二千石選有德義者以為宗師考察

不從教令有寃失職者宗師得因郵亭書言宗伯

請以聞

晉灼曰宗伯宗正也師古曰郵行書舍也言為書以付郵亭令送至宗伯也郵音尤

常以歲正

月賜宗師帛各十匹羲和劉歆等四人使治明堂

辟廱

師古曰為使者而典其事

令漢與文王靈臺周公作洛同符

師古曰文王築靈臺周公成雒邑言與之符合

太僕王憚等八人使行風俗

師古曰行音下

更反宣明德化萬國齊同皆封為列侯徵天下通知

逸經古記天文歷筭鍾律小學史篇方術本草及

以五經論語孝經爾雅教授者在所為駕一封輶

傳如淳曰律諸當乘傳及發駕置傳者皆持尺五寸木傳信封以御史大夫印章其乘傳參封之參三也有期會累封兩端端各兩封凡四封也乘置馳傳五封之兩端各二中央一也輶傳兩馬再封之一馬一封也師古曰以一馬駕輶車而乘傳傳音張懸反 遺詔京

師至者數千人閏月立梁孝王玄孫之耳孫音爲

王冬十二月丙午帝崩于未央宮 臣瓚曰帝年九歲即位即位五年壽十四

師古曰漢注云帝春秋益壯以母衛太后故怨不悅莽自知益踈篡殺之謀由是生因到臘日上椒酒置藥酒中故翟義移書云莽鳩弑孝平

皇帝大赦天下有司議曰禮臣不殤君皇帝年十有

四歲宜以禮斂加元服 師古曰斂音力贍反 奏可葬康陵 臣瓚曰在長安

北六 詔曰皇帝仁惠無不顧哀 師古曰言帝平生多所顧念哀憐 每疾一

發氣輒上逆害於言語故不及有遺詔其出媵妾

皆歸家得嫁如孝文時故事 師古曰媵妾謂從皇后俱來者媵之言送也媵音食證反





中華民國壹零零年拾貳拾柒日 贈送

國家圖書館



003687963



線

622.101

245

19

v. 3

舊籍

登記號

A5504

分類號

0832/0022

卷數

8-12

備註

3-6

注意事項

- 1 借閱圖書以二星期限
- 2 請勿圈點評註污損折角
- 3 設有損壞遺失情事應負責照價賠償

國立編譯館圖書室